

公

羊

義

疏

皇清經解續編卷千二百十三

南菁

公羊義疏三十五

句容陳立卓人著

僖二十七年
盡二十八年

二十有七年春杞子來朝注貶稱子者起其無禮不備故魯入

之疏

校勘記出二十七年云唐石經作廿有七年鄂本二十七年下有字此脫○注貶稱至入之○舊疏云杞本公爵

但春秋新周故宋黜之稱伯即莊二十七年冬杞伯來朝是也至二十三年書杞子卒者以微弱為徐莒所脅不能死位故以其一等貶之此經復書子者起其無禮故左氏皆有魯入之文也按左傳云杞桓公來朝用夷禮故曰子又云入杞實無禮也與何注同劉氏解詁箋云正伯子男一也詞無所貶何君不用左氏此及下入杞解詁無禮之云皆依違左氏非也按何君所見公羊說或有與左氏同者故依用之未必專本左氏也

夏六月庚寅齊侯昭卒疏

包氏慎言云六月書庚寅月之二十日於麻當為十九日

秋八月乙未葬齊孝公疏

包氏慎言云八月書乙未月之二十日按當二十五日隱三年傳云不

及時而日
渴葬也

乙巳公子遂帥師入杞注日者杞屬脩禮朝魯雖無禮君子躬

自厚而薄責於人不當乃入之故錄責之疏包氏慎言云入

之五日也按當為六日注日者至責之疏月無乙巳九月

害多則月此日故解之春秋於人書日多惡辭唯下二十八

年三月丙午入
曹為善義兵

冬楚人陳侯蔡侯鄭伯許男圍宋
此楚子也其稱人何注据序諸侯之上貶疏杜云經書人者

者告沈氏欽韓補注云稱人者猶賤之也傳明云曷為貶注

楚于杜說云楚主兵赴告之體可稱其君微者與曷為貶注

据圍鄭不貶疏年注据圍鄭不貶疏下三十為執宋公貶故終

僖之篇貶也注古者諸侯有難王者若方伯伯平之後相犯

後故罪楚前執宋公僖公與共議釋之今復圍犯宋故貶因

以見義終僖之篇貶者言君子和平人當終身保也疏

注古者至

故罪○惠氏上奇禮說云終僖之篇貶者言君子和平人當終身保也然則調人和難保之終身故先動者誅之康成謂猶今二千石以令解難怨後復相報移徙之即何休所謂後相犯復故舉是也楚人先動其能免於王法之誅乎按周禮調人云凡有鬪怒者成之鄭司農云成之謂和之也棟公羊今二千石以令解難怨後復移徙之法也成之者何和之也王古義云何氏此注此調人成之之法也成之者何和之也王發集傳約注漢時官不禁報怨故二千石以令解之令者何和之也令有和難之條鄭云云者後漢桓譚上疏曰今人相殺傷雖已伏法而私結怨讎子孫相報復後忿探前至於滅戶殄業而俗稱豪健故雖怯弱猶勉而行之此為聽人自理而無復法禁者也今宜申明舊令若已伏官誅而私相傷殺者雖一身逃亡皆徙家屬于邊其相傷者加常二等不得贖罪如此則讎怨自解譚所云舊令即先鄭移徙之法也何云復故罪疑亦當時令甲文引以為況與○注楚前至見義○即上二一十一年秋執宋公以伐宋十二月公會諸侯盟于薄釋宋公傳執未有言釋之者此其釋之何公與議爾也注善僖公能與楚釋賢者之厄是也通義云傳緣入文之篇髡即見弑故就經文以終僖之篇言之其實乃終髡之世貶耳此與輦傳云終隱之篇貶文同而義異何者輦有罪於隱髡非有罪於

僖也何氏之說今故未取知不然者傳即專言終髡之世貶
何必不言終髡之世春秋託王於魯僖公託王者萬伯之職
和平諸侯今復相犯即是得罪於僖即為得罪於王法故云
終僖之篇貶耳穀梁傳曰楚人者楚子也其曰人何也人楚
子所以人諸侯也其人諸侯何也不正其信夷狄而伐中國
也彼注引何君廢疾云哀元年楚子陳侯隨侯許男圍蔡不
稱人明不以此故也鄭君釋之云時晉文為賢伯故譏諸侯
不從而信夷狄也哀元年時無賢伯又何據而當貶之耶彼
注又引江熙云夫屈信理對言信必有屈也宋楚戰于泓宋
以信義而敗未有闕也楚復圍之我三人行必有我師諸侯
不能以義相帥反信楚之曲屈宋之直是義所不取信曲屈
直猶不可況乃華夷乎楚以無義見貶則諸侯之不從不待
貶而見也然則四國信楚而屈宋春秋屈其信而信其屈貶
楚子於兵首則彼條條者以類見矣故曰人楚子所以人諸
侯按穀梁無善宋襄義江氏彼注正用此傳為執宋公貶意
也劉氏申何云晉文伯業未顯何以責諸侯江熙從公羊解
之近

十有二月甲戌公會諸侯盟于宋注地以宋者起公解宋圍為

此盟也宋得與盟則宋解可知也而公釋之見矣疏包氏慎言云十

二月書甲戌月之七日按當六日○注地以至見矣○范云
地以宋者則宋得與盟宋圍解可知用此注為說也左氏以
公會諸侯盟于宋宋不與盟春秋凡書會盟於國都皆本國
與焉如隱元年及宋人盟于宿桓二年蔡侯鄭伯會于鄆皆
是此不應殊

二十有八年春晉侯侵曹晉侯伐衛

曷為再言晉侯注據楚人圍陳納頓于于頓亦兩事不再出

楚人疏

注據楚至楚人○見上二十五

非兩之也疏

上二十

楚人圍陳納頓于于頓傳何以不言遂兩之也注微者不別
遂但別兩稱耳別之者惡國家不重民命一出兵為兩事也
則此初出師時原然則何以不言遂注據侵蔡遂伐楚言遂
有兩伐之意矣

疏

注據侵至言遂○見上四年公會
齊侯以下侵蔡蔡潰遂伐楚是也

未侵曹也未侵曹則其

言侵曹何致其意也其意侵曹則曷為伐衛晉侯將侵曹假

塗于衛衛曰不可得則固將伐之也注曹有罪晉文行霸征

之衛墜過不得使義兵以時追故著言侵曹以致其意所以
通賢者之心不使墜塞也宋襄公伐齊月此不月者晉文公

功信未著且當脩文德未當深求於諸侯故不美也疏左傳

侯將伐曹假道于衛衛人弗許還自河南濟侵曹伐衛注從
汲郡南渡出衛南而東水經注河水篇又東逕縣故城北

則有津水自北來注之亦謂之濟津故南津也春秋傳公二
十八年晉將伐曹曹在衛東假塗于衛衛人不許還自南河

濟即此按汲郡亦衛地衛既不假道則仍不可得伐也○注
曹有至案也○校勘記出晉文行霸征之云鄂本文下有公

字此脫又云釋文雍又作樂同此本進誤追今據諸本訂正
曹有罪者下傳云曹伯之罪何甚惡也其甚惡奈何不可以

一罪言也是也雖未克侵曹書以致其意不使伯功墜塞也
通義云謹案凡有兩事而事既後事繼者則言遂前事未既

別有後事者則不得言遂晉本為侵曹出師衛不假道伐衛
而後進若言伐衛遂侵曹則失其本意若言侵曹遂伐衛則

似以侵曹還伐衛又失其事實故遂文兩不可施也舊疏云
言征者上同下之辭謂伐而正之如上十八年春王正月宋公以
之征齊也○注宋襄至美也○上十八年春王正月宋公以
下伐齊是也彼云月者善錄義兵明此晉文功信未著遂求

諸侯未得為義故不月也

公子買戍衛不卒戍刺之

疏左傳殺子叢以說焉蓋名買字叢

不卒戍者何不卒戍者內辭也不可使往也

注卽往當言戍

衛不卒疏通義云畏晉故不可使往說苑尊賢云公子買不

此鹽鐵論備胡云春秋貶諸侯之後刺不可使往則其言戍

不卒戍明實不可使往諱為不卒戍辭

衛何注据言戍衛行文疏注据言至行文舊疏云欲言實

經書戍衛以遂公意也注使臣子不可使恥深故諱使若往

不卒竟事者明臣不得壅塞君命疏晉伐衛衛楚之與國魯

出師伐齊故為戍衛明公意欲戍衛焉注使臣至君命○

通義云臣已受命雖未往當以不終事之辭言之公本使買

戍衛買畏晉不可往公殺之及聞晉尅衛而懼反以殺買之

事說于晉時量力度義不當往戍臣於君有替否之道買無

罪故不日按左傳云公子買戍衛楚人救衛不克公懼于晉

殺于叢以說焉告楚人曰不卒戍也以買實戍衛孔氏猶依

邈左傳焉又云買無罪與何氏有罪不日例乖穀梁傳曰先
名後刺殺有罪也公子啟曰不卒成者可以卒也可以卒而
不卒譏在公子也刺之者何殺之也殺之則曷為謂之刺之內

諱殺大夫謂之刺之也注有罪無罪皆不得專殺故諱殺言

刺之不言刺公子買但言不卒成刺之者起為上事刺之也

內殺大夫例有罪不日無罪日外殺大夫皆時疏說文刀部

夫曰刺刺直傷也段注刺直傷也當為正義君殺大夫曰刺

當別一義周禮司刺職掌三刺之法壹刺曰訊羣臣再刺曰

訊羣吏三刺曰訊萬民注刺殺也訊而有罪則殺之然則春

秋於他國大夫書殺於內殺大夫書刺若皆殺當其罪然故

諱之曰刺杜云內殺大夫皆書刺言用周禮三刺之法示不

枉濫也是也爾雅釋詁云刺殺也郭注引此傳蓋對文異散

則通故國語晉語云殺懷公于高梁又云刺懷公于高梁也

諱殺曰刺春秋之義也因不必通之他經也注有罪至刺

之○孟子告子下無專殺大夫是不別有罪無罪也舊疏云

孟子言大夫者天子命之輔助其政諸侯不得專殺大夫也

按諸侯不得專殺疑指命大夫耳其命於其君者似不必請

之天子矣○注不言至之也○若直言刺公子買與刺公子

假同所刺事不明故言不卒戍刺之明其爲上事也若有罪也○注內殺至罪日○舊疏云有罪不日卽此文是無罪日者成十六年冬十月二月乙酉刺公子偃是也解詁箋云上書普侯伐衛下書楚人救衛則此戍衛爲黨楚背晉明矣歸罪于買而殺之僖之大惡也故以不卒戍爲內辭傳順經諱文解詁以爲有罪不日無罪日者謂著其罪狀與否爾非從實也亦通○注外殺大夫皆時○上七年鄭殺其大夫申侯書夏下三十年衛殺其大夫元咺書秋是也

楚人救衛

三月丙午晉侯入曹執曹伯昇宋人

疏包氏慎言云三月書丙午月之十日

昇者何與也其言昇宋人何注

据下言執衛侯言歸之于京

師

疏穀梁傳云昇與也杜云昇與也襄二年左傳烝烝昇祖此

之爲言與也說文刀部昇相付與之約在閣上也○注据與下至京師○見下彼言于京師此言昇宋人故難之也

使聽之也

注與使聽其獄也時天王居于鄭晉文欲討楚師

以宋王者之後法度所存故因假使治之宋稱人者明聽訟

必師斷與其師眾共之疏

注時天至治之○劉氏解詁箋云時天王實已歸京師下書公朝于

王所王自京師至踐土也襄王不能正曹伯之罪晉文自正

之故為伯討張義以殷彝蔽其罪愈於以歸多矣按左傳以

晉文定襄王在二曹伯之罪何甚惡也其甚惡奈何不可以

十五年與此異

一罪言也

注曹伯數侵伐諸侯以自廣大傳曰晉侯執曹伯

班其所取侵地于諸侯是也齊桓既沒諸侯背叛無道者非

一晉與曹同姓恩惠當先施刑罰當後加起而征之嫌其失

義故著其甚惡者可知也以兵得不言獲者晉文伯討不坐

獲者故亦不責曹不死義兵日者喜義兵得時入疏

注曹伯至是也

○下三十一年取濟西田傳云惡乎取之取之曹也此未有

言伐曹者則其言取之曹何皆侯執曹伯班其所取侵地于

諸侯知曹數侵伐人以自廣大也通義云謹案不可以一罪

言則非獨數侵伐矣曹詩序曰其公遠君子而奸近小人侵

刻下民不得其所○注齊桓至知也○舊疏云恩惠當先施

即堯典云九族既睦平章百姓是也刑罰當後加小司寇議

親議賢之辟是也著其甚惡卽執而言界宋人使治其罪是也○注以兵至不死○上四年傳稱侯而執者伯討也晉文書侯故知伯討兵得當言獲上十五年戰于韓獲晉侯是也彼傳云君獲不言師敗績也注釋不書者以獲君爲惡書者以惡見獲與獲人君者皆當絕也是坐獲之例也晉文伯討故不坐獲不書獲亦不責曹伯不死位也○注日者至時入○入剛時書日故解之定四年庚辰吳人楚注日者惡其無義彼爲無義日此爲義兵日春秋無達例也故此爲義兵得入日

夏四月己巳晉侯齊師宋師秦師及楚人戰于城濮楚師敗績

疏包氏慎言云夏四月書己巳月之三日莊二十七年左傳公會齊侯于城濮大事表云杜注城濮衛地將討衛之立

子頤是時王命齊桓爲侯伯僖二十八年晉文敗楚于城濮卽此今山東曹州府濮州南七十里臨濮城在東昌府濮州南七十里或曰卽古城濮地

此大戰也曷爲使微者注据秦稱師錄功知大戰必不使微

者楚雖無大夫齊桓行霸書屈完也疏注据秦至微者○舊

伯使遂來聘傳秦無大夫此何以書賢繆公也然則文十二年秦始有大夫知此時未合稱師今乃稱師錄功故知大戰既是大戰則知不應使微者○注楚雖至完也○楚無大夫者文九年冬楚子使椒來聘傳云楚無大夫此何以書始有大夫也則僖公為所傳聞世亦不合有大夫惟上四年書屈完來盟于師云屈完者何楚大夫也何以不稱使尊屈完也曷為尊屈完以當桓公也注增倍楚大夫書名許其有大夫以王事則此當文行霸亦宜增倍楚大夫書名許其有大夫以酌霸業今稱人似子玉得臣也注以上敗績下殺得臣疏通微者故据以證云子玉者得臣字也古人多引字冠名上言之者若左傳稱華父督孟明視子越椒之比王氏引之周秦名字解詰云定九年得寶玉大弓左傳陽虎歸寶玉大弓書曰得器用也几獲器用曰得按器用之美者莫如玉故名得字玉或曰得讀為德古字得與德通玉藻君子無故玉不去身君子於玉比德焉聘義君子貴玉而賤珉何也夫昔者君子比德於玉焉管子水地篇夫玉之所貴子玉得臣則其稱人何注据屈完者九德出焉按後一說是子玉得臣則其稱人何注据屈完當桓公稱名氏疏屈完以當桓公也按左傳得臣氏成貶曷為貶注据邲之戰林父不貶疏年晉荀林父帥師及楚子戰

于卿貶是也大夫不敵君也注臣無敵君戰之義故絕正也秦稱

師者助霸者征伐克勝有功故褒進之齊桓先朝天子晉文

先討夷狄者晉文之時楚與爭彊所遭遇異疏注臣無至正

年傳亦云大夫不敵君與此同若然林父亦大夫得敵楚子

不絕正之者彼為善楚子不與晉特書荀林父主名專見其

罪得臣下有殺文足見其罪不必於戰見故但貶稱人以張

示大夫不敵君義董生所謂辭已明者去之是也注秦稱

至進之○秦於所傳聞世因其未能用周禮擯之比戎狄則

此不合稱師因其助伯者征伐褒進之如邾婁子克瑱皆以

附從霸者朝天子行進也聖人於書終秦誓若秦之繼周於

春秋抑秦以諸夏同夷狄明其為周之亂臣也○注齊桓至

遇異○齊桓先朝天子何氏或別有所見舊疏云正以莊十

三年冬何之盟桓公之信著于天下豈不朝天子而能然乎

但以外朝不書是以無經可指耳按信之著不著不係乎朝

天子與否也依左傳則晉文先定襄王後服楚非何氏所取

也所遭遇異者舊疏云齊桓初霸之時楚未强大雖侵諸夏

未能為霸者之害是以桓公養成其晦至僖四年乃討而服

之晉文之時楚人孔熾圍宋救衛與之爭

盛是以未暇朝王先討子玉矣義或然也

公羊疏三十五

楚殺其大夫得臣注楚無大夫其言大夫者欲起上楚人本當

言子玉得臣所以詳錄霸事不氏者子玉得臣楚之驕蹇臣

數道其君侵中國故貶明當與君俱治也疏注楚無至霸事

使倣來聘傳始有大夫也此書得臣與上四年書屈完同義

皆為詳錄伯事也上以大夫不敵君絕去其名故於其殺善

之注不氏至治也校勘記出明當與君俱昭云鄂本昭

作治無也此誤衍上二十六年左傳楚成得臣闕宜申帥師

滅夔此不書成得臣為貶去其氏也按以左傳考之伐隨圍

陳滅夔闕宋皆子玉事故知數道其君侵中國也傳又載薦

賈曰子玉剛而無禮不可以治民其驕蹇可知繁露滅國上

云楚王髡託其國於子玉得臣而天下畏之及髡殺得臣天

下輕之又五行相勝云金者司徒也司徒為賊內得於君外

驕軍士專權擅勢誅殺無罪侵伐暴虐攻戰妄取令不行禁

不止將帥不親士卒不使兵弱地削令君有恥則司馬誅之

楚殺其司徒得臣是也得臣數戰破敵內得於君驕蹇不卹

其下卒不為死當敵而弱以危楚國司馬誅之金者司徒司

徒弱不能使士眾則司馬誅之故曰火勝金按楚大夫有氏

始成二年

公子嬰齊

衛侯出奔楚注晉文逐之不書逐之者以王事逐之擇立其次

無絕衛之心惡不如出奔重疏禮記祭統篇載孔悝鼎銘曰

命莊叔隨難于漢陽即此也○注晉文逐之○左傳晉侯齊

侯盟于斂孟衛侯請盟晉人弗許衛侯欲與楚國人欲故

出其君以說于晉是雖衛人出君猶晉文逐之也○注不書

至奔重○舊疏云立叔武是也叔武衛侯之弟故曰其次耳

左傳或訴元咺於衛侯曰立叔武矣其于角從公公使殺之

咺不廢命奉夷叔以入守是也惡不如出奔重者舊疏云言

文公逐人之惡少於衛侯出奔之罪按

謂文公立其次不絕衛故謂其惡少耳

五月癸丑公會晉侯齊侯宋公蔡侯鄭伯衛子莒子盟于踐土

疏包氏慎言云五月書癸丑月之十八日杜云踐土鄭地大

北隅有踐土臺去衛雍三十餘里焚澤今屬開封府史記注

引賈云踐土鄭地名在河內則在河北非也史記魏世家無

忌謂魏王曰王有鄭地得垣雍續漢志河南尹有垣雍城或

曰古衛雍是衛雍為鄭地在河南踐土近垣雍亦在河南矣

一統志王宮城在開封府焚澤縣西北通義

云此晉伯之始也盟不致者此文于桓也

陳侯如會

其言如會何注

據曹伯襄言會諸侯疏

注據曹至諸侯○下

會諸侯國

後會也注

說與會伐宋同刺陳侯不慕霸者反岐

意于楚失信後會會不致者安信與晉文也盟日者講也衛

稱子者起叔武本無即位之意陳岐意于楚在二十七年疏

注說與會伐宋同○莊十四年單伯會伐宋傳其言會伐宋

何後會也彼為本期而後書以刺不信故此後會亦以刺陳

侯○注刺陳至後會○校勘記出刺諸侯云鄂本同宋本諸

作陳此誤監毛本歧作岐下並同按作岐是也杜云陳本與

楚楚敗懼而屬晉來不及盟故曰如會繁露觀德云陳侯後

至謂如會○注會不至文也○桓之盟不致為無危也晉文

盟亦不致是以信與晉○注盟日者講也○舊疏云春秋之

例不信者日今而書日故解之而言講者正以孔子謂之講

而不正故取其文通義云日者未若桓之信也○注衛桓至

之意○舊疏云衛侯為王伯所逐而立叔武叔武即是成君

何不稱侯而作未踰年之君號欲起其本無即位之心故也

無即位之心即下云文公遂衛侯而立叔武叔武辭立而也

人立則恐衛侯之不得反也故於是已立然後為踐土之會
始反衛侯是也杜預云周禮典命云諸侯之適子誓於天子
攝其君則下其君一等未誓則以皮帛繼子男叔武衛侯之
弟未得從世子之法以其非王命所加使從未成君之禮故
稱子而序於鄭伯之下蓋晉文之意使然段氏玉裁經韻樓
集云衛侯出奔使元咺奉叔武受盟而入守經云衛子諸家
皆曰未成君按元咺稱子者如其君之子奚齊宋子般卒子
卒子野卒僖二十五年衛子伋也云子者皆謂先君之子也僖
此而九皆謂未踰年未成君也云子者皆謂先君之子也僖
二十五年之衛子謂文公也云子者皆謂先君之子也僖
也弟曷為謂之子成公既奔楚適陳叔武攝位不稱君比於
在喪未踰年之君聖人以其持大統也故曰衛子此亦可見
為人後者即為人之子之禮矣通義云黃道周曰叔武非世子
又無君喪而子之何也以喪禮處之也晉立以為君書侯則
無等也書名則沒其實故以喪禮處之也晉立以為君書侯則
哀痛也降服致敬以聽天子之命按成公出奔不得以喪禮
自處蓋叔武不欲即位故以未成君之稱會諸侯也○注陳
岐至七年○校勘記云鄂本同監毛本于作於闕本誤如在
二十七年蓋斥楚人陳侯以下闕宋役也按陳自齊
桓沒後不與中國會盟惟霍會有陳以楚子在會也

公朝于王所疏

詩小雅吉日云天子之所又太叔于田云獻于

公羊義疏三十五

公羊義疏三十五

七

在所也史記衛將軍驃騎列傳云軍吏皆曰善遂因建詣行在所注蔡邕曰天子自謂所居曰行在所是也毛氏奇齡春秋傳禮行在必朝所者王居之稱詩獻于公所孟子使之居於王所故漢制車駕所在曰所蔡邕獨斷曰行在所穀梁謂朝不言所誤矣襄王親至踐土經無明文而於此見之經之互可考驗如是止書公朝不及諸侯者言公則諸侯可知耳是也

曷為不言公如京師注据三月公如京師疏○見成十三年

天子在是也天子在是曷為不言天子在是注据狩于河陽

疏注据狩于河陽○即下天王狩于河陽是也不與致天子也注時晉文公年老

恐霸功不成故上白天子曰諸侯不可卒致願王居踐土下

謂諸侯曰天子在是不可不朝迫使正君臣明王法雖非正

起時可與故書朝因正其義不書諸侯朝者外小惡不書獨

錄內也不書如不言天王者從外正君臣所以見文公之功

疏注時晉至其義○舊疏云皆春秋說及史記文按史記晉
者乃使人言周襄王狩于河陽王申遂率諸侯朝王於踐土
敘事較略又以兩事為一何氏蓋本之春秋緯文也通義云
晉文慮無以屬諸侯上假天子為重作王宮于踐土使王就
而受諸侯朝焉子曰以臣召君不可以訓故但言朝于王所
舉其可訓者而已繁露玉英云春秋之書事時詭其實以有
諱避致王也說苑敬慎云晉文公出亡修道不休至於饗國
饗國之時上無明天子下無賢方伯強楚主會諸侯背畔天
子失道出居于鄭文公於是憫中國之危厲養戎十四年政
治內定則舉兵而伐衛執曹伯還敗強楚威震天下明王法
率諸侯而朝天子莫敢不聽天下曠然平定周室尊顯白虎
通號篇云春秋曰公朝于王所于是知晉文之霸也按公羊
以襄王出居于鄭至此未返以上下經考之良是踐土鄭地
明晉文欲假天子命號召諸侯故就天子所居朝之復為溫
之會致天子於河陽以定王位蓋至是始回京師所謂求諸
侯莫如勤王與○注不書至內也○舊疏云諸侯朝王不在
京師亦是其惡但非大惡當所傳聞之世見在不錄之限是
以特書公朝故隱元年注於所傳聞世見治起於衰亂之中
用心尚粗猶故內其國而外諸夏先詳內而後治外內小惡
書外小惡不書是也是則朝于王所非正特時勢不得不然

故猶在可與之數書王所又以見正臣無召君之義若皆就
王朝然○注不書至之功○舊疏云春秋之例內朝言如外
來言朝今此魯侯不言如反言朝者故云從外正君臣所以
見文公之功也不言天王所以得正君臣見文公之功者以
隱元年書天王注云天王者時吳楚上僭稱王王者不能正
而上自繫于天也春秋不正者因以廣是非然則稱王為正
稱加天則非禮今此經書不言天亦是正君臣以見文公之
功也通義云王所不稱天者典禮常名也覲禮曰伯父順命
于王所射祭侯辭曰無或
若女不甯侯不屬於王所

六月衛侯鄭自楚復歸于衛

注

言復歸者天子有命歸之名者

刺天子歸有罪也言自楚者為天子諱也天子所以陵遲者
為善不賞為惡不誅衛侯出奔當絕叔武讓國不當復廢而
反衛侯令殺叔武故使若從楚歸者復歸例皆時此月者為
下卒出也**疏**注言復至歸之○舊疏云春秋說文桓十五年
禮記曲禮云諸侯不生名是則春秋於諸侯有罪當絕者皆
名此書名明衛侯有罪則歸之者在刺科矣○注言自至歸

者○傳疏云正以自者有力之文故言自楚得為天子諱者若似自得楚力而歸然宋本下衍之字疏同下傳云然後為踐土之會治反衛侯注叔武訟治於晉文公令曰王者反衛侯下傳又云衛侯得反曰叔武讒我終殺叔武是衛侯殺叔武事也衛侯殺叔武出於得反得反由於天子歸有罪故書自楚者為天子諱也衛侯以王事得罪為晉文所逐合絕天子歸之是失誅惡之義○注復歸至出也○舊疏云桓十七年秋蔡季自陳歸于蔡下三十年秋衛侯鄭歸于衛是歸書時也其復歸書時者下冬衛元咺自晉後歸于衛是也而此月故知為他事出也

衛元咺出奔晉

陳侯款卒

注

不書葬者為晉文諱行霸不務教人以孝陳有大

喪而殯會其孤故深為恥之宋襄亦背殯獨不為齊桓諱者

時宋襄自會之卒不日者賤其岐意于楚

疏校勘記云唐石

是也○注不書至恥之○宣元年傳臣有大喪君三年不呼

其門今陳有大喪而殯會其孤晉文之過也故不書葬以為

諱通義云謹案桓文春秋所善也若葵丘之致宋子溫之致

陳子乃其未盡善者也

令宋桓陳繆自如常文書葬則責伯

公羊義疏三十五

者之意不見故為之諱其葬使若既葬而後會其子者為愈
 文諱而實識也。○注宋襄至會之。○上九年宋公禦說卒傳
 何以不書葬為襄公諱也彼以宋襄往會葬已非齊桓所彊
 故不為桓諱移其諱於宋襄也所以為宋襄諱者為後有彊
 中國尊周室功足以除惡故也劉氏解詁箋云何君以傳唯
 云為襄公諱知不為齊桓諱又以傳於宋襄不書葬為盈諱
 解為功惡相覆宜加微封則諱為襄文非從實矣失之按何
 意蓋以有功當得微封故其過宜覆而為諱也。○注卒不至
 于楚。○大國之卒例書日此月故解之又以上見上月為此出
 也岐本有作歧者非岐意於楚見上陳侯如會下通義云款
 本篡立不當葬今為文公諱去葬墓向未顯故復略其卒日
 以見義按史記陳杞世家宣公有嬖姬生子款欲立之乃殺
 其大于御寇在宣之二十一年四十五年宣公卒子款立則
 禦寇之殺宣公為之無為責款以篡晉獻公殺世子申生春
 秋無責
 奚齊文

秋杞伯姬來

疏杜云莊公女歸甯曰來

公子遂如齊

冬公會晉侯齊侯宋公蔡侯鄭伯陳子莒子邾婁子秦人于温

疏通義云秦稱人者小國無大夫也不以公會目之者伯者之會非公為主不得從內錄穀梁傳無齊侯或脫差繆略云左氏晉侯下有齊侯則陸所見公羊本亦無齊侯矣按齊晉方睦有齊侯者是也左傳本有作邾人者誤石經左傳作邾

天王狩于河陽疏史記注引賈逵云河陽晉之溫也杜云晉地

陽溫河陽也大事表云本周盟邑後歸晉謂之河陽古河陽

城在今河南懷慶府孟縣西南三十里水經注河水篇河水

又東逕河陽縣故城南春秋書天王狩于河陽王申公朝于

王所晉侯執衛侯歸之于京師服虔左傳曰河溫也班固漢

書地理志袁崧司馬彪郡國志晉太康地道記十三州志河

陽別縣非溫邑也大事表又云今河南懷慶府孟縣西南三

十里武王會諸侯于盟津即此後歸晉謂之河陽杜預於此

造舟為橋名曰河橋一統志河陽故城在懷慶府孟縣西三

十五里按河陽在今之孟縣即古孟津溫為今溫縣在孟縣

東今盟津移治於河之南矣統名南陽左傳上二十五年晉

於是始敗南陽是也由孟津渡河五十里則至洛陽矣穀梁

狩作守周易明夷九三明夷于南狩釋文狩本亦作守孝經

孝治章鄭注天子亦五年一巡守釋文守乎又反本又作狩

左傳釋文云狩本又作守是左氏經本作守而水經河水篇

引經傳並作狩與陸氏所見本同古書多借守作狩

狩不書此何以書注据常事也疏注据常事也。張氏尙瑗

以狩爲時田而後儒多指爲巡守按古者巡守朝會諸侯每

兼田獵宣王車攻之詩是也傳云以諸侯見且使王狩正是會諸侯選不與再致天子也注一失禮尙愈再失禮重故深

車徒之事

正其義使若天子自狩非致也疏左傳是會也晉侯朝王以

以臣召君不可以訓故書曰天王狩于河陽言非其地也且

明德也穀梁傳曰全天王之行也爲若將守而遇諸侯之朝

也爲天王諱也又於上會于溫傳云諱會天王也三傳之義

皆同史記孔子世家云踐土之會實召天子而春秋諱之曰

天王狩于河陽推此類以繩當世貶損之義後有王者舉而

開之春秋之義行則天下亂世賊子懼焉又周本紀晉文公

召襄王襄王會之踐土諸侯畢朝書諱曰天王狩于河陽又

晉世家冬晉侯會諸侯于溫欲率之朝周乃使人言周襄王

狩于河陽王申遂率諸侯朝王于踐土孔子讀史記至文公

曰諸侯無召王王狩河陽著春秋諱之也按朝王踐土事在

上此爲再致史記渾言之知踐土亦實召王也左傳於踐土

無召王之事直云作王宮于踐土杜謂襄王聞晉戰勝自往

勞之非也繁露王道云晉文再致天子諱致言狩又云晉文再致天子皆止不誅善其牧諸侯奉獻天子而復周室春秋予之爲伯誅意不誅辭之謂也是諱致言狩春秋之不誅辭也家語曲禮子貢問篇子貢問曰晉文召天子而使諸侯朝焉春秋云天王狩于河陽何也孔子曰臣召君不可以訓亦書其率諸侯朝天子而已史記司馬相如傳贊春秋推及至隱注韋昭曰推見爭至於隱諱謂若晉文召天子經言狩河陽之類杜云晉實召王爲其詞逆而意順○注一失至致也○通義云再失體重不復爲諱故著言天子在是然不可以斥言其致天子故加狩辭焉公羊古義云天子巡狩有朝諸侯之禮故尙書曰五載一巡狩羣后四朝馬融王肅皆云四面朝于方岳之下王巡守而朝之正也召王非正也故仲尼書曰天王守于河陽所以正君臣之禮所以諱致言狩穀梁傳全天王之行也是也彼傳又云會于溫言小諸侯溫河北地以河陽言魯子曰溫近而踐土遠也注此魯子一說也溫之大天子也魯子曰溫近而踐土遠也注此魯子一說也溫近狩地故可言狩踐土遠狩地故不言狩也公以再朝而日言之上說是疏注此魯至狩也○通義云此別一說言溫在以飾成其義焉禮諸侯狩不出近郊天子宜然溫在河北已越近郊尙在圻內故爲近杜以爲晉地非○注公以至悅也

○舊疏云正以上朝不日而下朝始日危錄內再失禮則知此書狩者不與再致天子也故言上說是按朝聘例時此日故据以言穀梁傳其日以

其再致天子故謹而日之

壬申公朝于王所疏包氏慎言云無月十月之九日也

其日何注据上朝不日錄乎內也注危錄內再失禮將為有義者所惡不月而日者自是諸侯不繫天子若日不繫於月

疏注危錄至所惡○上十年注如京師善則月榮之如齊晉錄也通義云上與諸侯旅見此公特朝故從內事詳錄之穀

梁傳於廟禮也於外非禮也故為危○注不月至於月○通義云不繫月者蓋閏月之日哀五年傳曰閏不書此反乙未

楚子昭卒是其据也古歷歸餘于終閏恒在十有二月屬上

十二月無事故不繫月矣按穀梁傳曰日繫於月月繫於時

壬申公朝于王所其不月失其所繫也以爲晉文之行事爲

已慎矣此何氏所本故范氏注云以臣召君俱倒上下日不繫於月猶諸侯不宗於天子然則此朝亦會溫諸侯盡朝爲

內錄故但書公穀梁傳獨公朝與諸侯盡朝也是也孔氏謂此公特朝非

晉人執衛侯歸之于京師

歸之于者何歸于者何歸之于者罪已定矣歸于者罪未定

也罪未定則何以得為伯討注此難成十五年晉侯執曹伯

歸于京師疏校勘記出伯討云唐石經原作執後磨改作

此當從原刻作執矣注此難至京師校勘記云鄂本成

下有公字稱侯而執者伯討彼稱晉侯故据以難以此傳當

以作伯討為是不得歸之于者執之于天子之側者也罪定

不定已可知矣注歸之者決絕之辭執于天子之側已白天

子罪定不定自在天子故言已可知疏注歸者至可知校

次作決此誤又云毛本側誤例通義云已知天子罪之但歸

之于京師徐治其罪耳後漢書李膺傳昔晉文公執成公歸

于京師春秋是焉可知者歸于者非執之于天子之側者也

罪由天子定故為可知罪定不定未可知也注未得白天子分別之者但欲明諸侯

尊貴不得自相治當斷之于天子爾大惡雖未可知執有罪

當爲伯討矣無罪而執人當貶稱人

疏

注未得白天子○通

後知天子罪之否也罪雖未定執之當其罪縱天子有之不失爲伯討蓋必得天子分別之故罪定不定未可知其執之者不能知也○注分別至子爾○此注明經所以分別歸之于歸于故也惠氏士奇春秋說云執人歸京師伯討也曷爲或作歸于或作歸之于一說歸之于者決絕之辭罪已定矣歸于者非決絕之辭罪未定也一說歸之于者緩辭歸于者急辭兩說孰是前說近之曹伯負芻殺大子而自立在成十三年諸侯請討而晉人緩之至十五年始執之于會歸于京師未可謂之急也蓋晉厲本無殺負芻之心晉文實有殺衛侯之志既歸京師旋寘深室危且急矣焉可謂之緩哉周官誅士掌四方之獄訟凡四方之有治于士者造焉謂先造誅士後達士師如漢郡國獄疑來詣廷尉王制成獄辭史以獄成告于王正正聽之以獄成告于大司寇大司寇聽之以獄成其期或公會其期然則歸于京師者疑則識之未定之辭猶周達士師漢詣廷尉歸之于京師者罪名定獄辭成恐王欲免之猶必告王也蓋諸侯分土而治不得自治即不得專執皆必斷之天子也○注大惡至討矣○禮記王制云諸侯賜

弓天然後征賜鉄鉞然後殺則賜鉄鉞者得專討矣彼疏引崔氏云以不得鉄鉞不得專殺故執衛侯歸之于京師也大惡雖未可知猶言罪未可定也雖未定如執有罪亦得爲伯討此衛侯有罪故也○注無罪至稱人○定元年晉人執宋仲蔑歸于京師之屬是也衛侯之罪何殺叔武也何以不書注据殺大夫

書疏注据殺大夫書○通義云爲叔武諱也春秋爲賢者諱難當言衛侯殺其弟武

何賢乎叔武注据失兄意讓國也其讓國奈何文公逐衛侯而立叔武疏通義云經言衛侯出奔傳言文公逐衛侯者文

武以列于諸侯是叔武辭立而他人立則恐衛侯之不得反與文公逐之同

也疏言若叔武辭則必立其他未故於是已立注故上稱子疏校勘記云唐石經原刻作爲是後磨改作於按於有爲義

疏禮記郊特牲於其質也卽爲其質也孟子離婁篇殆於不可卽始爲然後爲踐土之會治反衛侯注叔武訟治於晉文

不可也公令白王者反衛侯使還國也叔武讓國見殺而爲叔武諱

皇清經解續編

殺者明叔武治反衛侯欲兄饗國故爲去殺已之罪所以起

其功而重衛侯之無道

疏

通義云時衛侯謀自楚復歸叔武恐其爲晉所討故爲之請託于文

公成十六年傳公子喜時外治諸京師而免之注訟治于文師解免使來歸與此治反義同故注云訟治即訟也經義述聞云治與訟義相近小司徒云地訟以圖正之注地訟爭疆界者即大司徒之有地治者也古謂理訟爲治訟亦曰辭訟小宰者造焉亦謂訟於士者也古謂理訟爲治訟亦曰辭訟小宰曰聽其治訟小司徒曰聽其辭訟司市曰聽大治大訟小治小訟胥師聽其小治小訟而斷之皆與此治字同義按治辭音同訟治猶訟辭也得相段借○注叔武至無道○春秋之法許人臣者必使臣叔武讓國不見諒於君兄反爲所殺若更書殺已其罪益著故錄叔武心而爲之諱叔武之賢愈明衛侯之無道愈見

衛侯得反曰叔武篡我元恒爭之曰叔武無罪終殺叔武元恒走出**疏**

左傳曰衛侯先期人注不信叔武又曰公子額大華仲前驅叔武將沐聞君至喜捉髮走出前驅射而殺之公知其無罪也枕之股而哭之與此小異按彼傳又云衛侯與元恒訟衛侯不勝若非衛侯有意殺叔武此晉侯也其稱人何注此何不勝之有明其因疑而殺也

以伯討而何貶者言歸之于伯討明知坐他事故更問之疏

通義云難執有罪何以不得為伯討也○注此以至問之○

舊疏云上四年齊人執袁濤塗傳云此執有罪何以不得為

伯討然則此傳宜云此稱有罪何以不稱侯而云此晉侯也

其稱人何問其貶者正以言歸之于者罪定已可知即伯

討明矣知稱人更有所貶曷為貶注据他罪不見疏通義云

為故問其稱人之義貶曷為貶注据他罪不見疏通義云

罪之不得為伯討者執之以其私也按衛世家云晉文公重

耳伐衛分其地于宋討前過無禮及不救宋患也孔義本此

衛之禍文公為之也文公為之奈何文公逐衛侯而立叔武

使人兄弟相疑注春秋許人臣者必使臣許人于者必使子

文公惡衛侯大深愛叔武大甚故使兄弟相疑疏注春秋至

二十九年傳文彼注云幾臣子尊榮莫不欲與君父共之蓋

必使臣必使子者必使全其為臣子之道文公但知惡衛侯

愛叔武轉使叔武無以自處則臣放乎殺母弟者文公為之

子之道難全兄弟之所以致疑也放乎殺母弟者文公為之

也注文公本逐之非故致此禍也逐之文不見故貶主書者

以起文公逐之

疏

通義云放者窮其所至之辭按孟子梁惠

放至也禮記祭義云推而放諸東海而準注放猶至也至有

極義言充類極至殺母弟皆文公也○注文公至禍也○舊

疏云上注文公以王事逐之而言非者雖王事不供罪不至

逐而文公逐之疾惡太甚故以為非也論語云人而不仁疾

之已甚亂也按舊以非字絕句非也注意謂文公第欲逐之

非有心故致此禍始與傳文放字義合○注逐之至故貶○

經無逐文故書人示貶與稱人而執非伯討者殊○注主書

至逐之○舊疏云其主書者即文公執衛侯之事也今執衛

侯貶文公稱人見其失所是故貶以

起文公逐之亦以經不見逐文故也

衛元咺自晉復歸于衛

自者何有力焉者也

注有力焉者有力于晉也言恃晉有屬

已力以歸方難下意故於是發問**疏**注有力至以歸○穀梁

○注方難至發問○舊疏云文公賢伯此執其君其言自何

而有力於惡人似非其義故執不知問**注**上元咺出奔晉而文公執衛侯知以元咺訴執之怪訴其

君而助之疏

注上元至助之。通義云方仇衛何復為衛力按孔季未明傳義當如何解

為叔武

爭也

注解文公助之意以元咺為叔武爭訴以為忠於已而

助之雖然臣無訴君之義復於衛非也悖君臣之義故著言

自明不當有力於惡人也言復歸者深為霸者恥之使若無

罪疏

左傳衛侯與元咺訟甯武子為輔鍼莊子為坐士榮為

衛侯歸之于京師翼諸深室元咺歸于衛是為叔武爭文公

助之之事也注臣無至人也。君雖不君臣不可以不臣

咺以臣訴君逆倫悖理晉文助令復歸文公於是

律有干名犯義條凡子孫告祖父父母妻妾告夫及夫之

祖父母父母雖得實亦徒三年是也。注言復至無罪。復

歸者出惡歸無惡元咺之歸不得為無罪而書復歸故解之

通義云謹案元咺訴君而言復歸者春秋賢叔武未顯故為

之爭者直之直咺所以直武也若咺之罪下二十年有歸惡

文明故於此從無惡詞不嫌矣劉氏

解詁箋云言復歸者侈惡於衛侯鄭

諸侯遂圍許疏

穀梁傳遂繼事也

曹伯襄復歸于曹遂會諸侯圍許注曹伯言復歸者天子歸之

也名者與衛侯鄭同義執歸不書書者名惡當見本無事不

當言遂又不更舉曹伯者見其能悔過即時從霸者征伐也

霸兵不月者刺文公不偃武脩文以附疏倉卒欲服許卒不

能降威信自是衰故不成其善疏注曹伯至當見○校勘記

字當在上文曹伯襄復歸于曹之下按二十一年疏引此曰

曹伯之下注云則此注本在上經下也又出名惡當見云鄂

本見誤是按曹伯襄至圍許經文似為一節故注於圍許下

各本二句截為二節故浦氏有此說其實無庸移置也穀梁

傳曰復者復中國也天子免之因與之會其曰復通王命也

是天子歸之也舊疏云天子歸之以得天子之命其罪可除

故言復歸作入無惡之文上衛侯之下注云言復歸者天子

有命歸之不言衛侯而此處者言曹伯者正以文承元咺復

歸之下辨嫌也按舊疏非注複言曹伯者為注有圍許下與

元咺無涉且中隔諸侯遂圍許事也舊疏又云上二十一年

宋公被執而歸經不書之故知執歸不書今書者其名之惡

當須見之按與衛侯鄭同書名者上注云刺天子歸有罪曹

伯不可一罪言書名以絕之絕曹伯正以刺天子也○注本
無至伐也○舊疏云謂何以不言曹伯遂會諸侯盟許正以
言遂又不更舉曹伯皆是風疾之義故可以見悔過即時從
霸者征伐也按穀梁注云免之於宋身未反國因會于許即
從反國之辭通王命是尚未復國即隨從圍許故善其能悔
過○注霸兵至其善○桓十五年冬十有一月公會齊侯以
小千修伐鄭注月者善諸侯征突錄義兵上十五年秋七月
齊師曹師伐厲注月者義兵十八年春王正月宋公以下伐
齊月者與襄公之征齊善錄義兵是霸功宜月此不月故解
之舊疏云正以上文溫之會許男不至是不慕霸者而從於
楚故因而服之卒不降者正以二十九年書公至自圍許作
不得意之文故也解詁箋云不月者與上壬申同月上已去
月不能復出
非刺文公也

皇清經解續編卷于二百二十三終

丹徒陳慶年參校
子汝恭校字

皇清經解續編卷千二百二十四

南菁書院

公羊義疏三十六

句容陳立卓人著

莊二十九年
盡三十一年

二十有九年春介葛盧來

疏杜云介東夷國也在城陽黔陬縣大事表云後入于齊今萊州府膠

州南七十里介亭水經注膠水篇膠水又北逕黔陬縣故

城西袁山松郡國志曰縣有介亭地理志曰古介國也春秋

介葛盧來朝此也寰宇記東陬城在密州諸城縣東北一百

十里古介國也一統志黔陬故城在萊州府膠州西南穀梁

傳介

國也

介葛盧者何夷狄之君也

疏杜云葛盧介君名也穀梁傳葛盧微國之君未爵者也禮記曲

禮云其在東夷北狄西戎南蠻

雖大曰子知此微國故止名也何以不言朝注據諸侯來日

朝疏注據諸至日朝

隱十一年傳文

不能乎朝也注不能升降揖讓也介

者國也葛盧者名也進稱名者能慕中國朝賢君明當扶勉

以禮義疏

注不能至讓也。○白虎通禮樂篇王者制夷狄樂不制夷狄禮何。○注進稱至禮義。○舊疏云正以

下三十年介人侵蕭不名故知此稱名是其進按莊五年鄭
犁來來朝亦未得爵命而稱朝蓋行朝禮者此與襄十八年
書白狄來同彼穀梁注云不言朝者不能行朝禮也是也繁
露玉杯云志為質物為文文著于質質不能居文文安施質質
文兩備然後其禮成文質偏行不得有我爾之名俱不能備
而偏行之甯有質而無文雖弗子能禮尚少善之介葛盧來
也是也

公至自圍許

疏莊六年傳云得意致會不得意致伐明此不得

意也不得意見前年遂會諸侯圍許下注刺文

夏六月公會王人晉人宋人齊人陳人蔡人秦人盟于狄泉

注

文公圍許不能服自知威信不行故復上假王人以會諸侯

年老志衰不能自致故諸侯亦使微者會之月者惡霸功之

廢於是疏

校勘記云唐石經諸本同左氏作翟泉按穀梁亦作翟泉今洛陽城內太倉西南池水也狄

翟字通水經穀水篇注晉永嘉元年洛陽東北步廣里地陷
有二鵝出蒼色者飛翻冲天白色者止焉陳留孝廉董養曰
步廣周之翟泉盟會之地陸機洛陽記曰步廣里在洛陽城
內宮東是翟泉所在不得於太倉西南也大事表云鄭氏曰
狄泉本在下都城北城成周時乃繞狄泉于城內昭二十三
年天王居于狄泉二十六年始入于成周此時狄泉與成周
猶爲兩地水經注引京相璠春秋土地名今大倉西南池水
名翟泉舊說狄泉本在洛陽北長宏城成周乃統之沈氏飲
韓云周是時都于王城漢河南郡之河南縣也故得盟于翟
泉若敬王遷成周卽漢之洛陽狄泉在城中非可爲會盟之
地矣按未城成周之前狄泉亦不在成周城內差繆略云公
羊作公會按石經穀梁亦作公會左氏經無公字按彼傳云
公會王子虎以下盟于翟泉又云卿不書罪之也並不言不
書公驤則左氏經當有公字無者脫漏耳杜以爲王子虎下
盟列國以濟大典諸侯大夫上敵公侯虧禮傷教故貶諸大
夫諱公與盟非也○注文公至會之○左氏以王人爲王子
虎晉人宋人之屬爲狐偃公孫固等按所傳聞世大國有大
夫此稱人故知微者說苑敬慎云文公於是霸功立期至意
得湯武之心作而忘其眾一年三用師且弗休息遂進而圍
許兵亟弊不能服罷諸侯而歸自此而怠政事爲狄泉之盟
不親至信衰說缺如羅不補威武詘折不信則諸侯不朝鄭
遂叛夷狄內侵衛遷于帝丘故曰衰滅之過在於得意而怠

侵蹇侵亡通義云皆何以稱人公會大夫之辭也牽步左氏
爲說○注月者至於是○舊疏云正以月非大信之辭也

秋大雨雹

注夫人專愛之所生

疏

漢書五行志中之下釐公二

盛陽雨水溫煖而陽熱陰氣暫之不相入則轉而爲雹盛陰
雨雪凝滯而冰寒陽氣薄之不能入則散而爲霰故沸湯之
在閉器而湛於寒泉則爲冰及雪之消亦冰解而散此其驗
也故雹者陰脅陽也霰者陽脅陰也春秋不書霰者猶月食
也又云左氏傳曰聖人在上無雹雖有不爲災說曰凡物不
爲災不書書大言爲災也凡雹皆冬之愆陽夏之伏陰也○
注夫人至所生○蓋與西宮災同義五行志劉向以爲釐公
末年信用公子遂遂專權自恣將至於殺君故陰脅陽之家
見釐公不悟遂終專權後二年殺子赤立宣公按子政習穀
梁故與此小異御覽引考異鄭云僖公二十九年季秋昭公
三年冬並大雨雹時僖公專樂齊女綺畫珠璣之好掩月光
陰陽熾而爲災異昭公事晉陰精用密故災何氏與春秋說
同也吳嘉禾四年七月雨雹與僖二十九年秋大雨雹同占
說者謂僖專任公子遂猶孫吳專任呂壹寵任亞于公子遂
抑或然乎此惠氏士奇
說按此占本之劉向

冬介葛盧來

注

前公圍許不在故更來朝不稱字者一年再朝

不中禮故不復進也

疏

注前公至來朝。上經書公至自圍許在介葛盧來下故知公圍許不在

也。左傳於春介葛盧來云舍于昌衍之上公在會饋之芻米禮也。上年因會而闕也。彼傳又云以未見公故復來朝。注不稱至進也。嫌再朝內宜再進稱字也。諸侯於天子比年一小聘三年一大聘五年一朝。諸侯相朝亦以五年近得正宣公九年如齊加錄書月是也。所謂朝罷朝也。一年再朝非禮故無善文。

三十年春王正月

夏狄侵齊

秋衛殺其大夫元咺及公子瑕

衛侯未至其稱國以殺何

注

据歸在下道殺也

注時已得天

子命還國於道路遇而殺之坐之與至國同故但稱國不復

別也言及公子瑕者下大夫別尊卑

疏

注時已至別也。通義云衛侯在道使人

殺咺而後入故從君殺大夫辭也。史記衛世家云已而周爲請晉文公卒入之衛而誅元咺。左傳曰公爲之請納王於王

與晉侯皆十殺王許之又曰衛侯使賂周顓洽厘曰苟能納我吾使爾為卿周治殺元咺詳略不同率皆得天子命未至國而殺元咺也按道殺似謂衛侯在道遣人殺之何謂於道路遇而殺之未得其實坐之謂坐專殺也○注言及至尊卑○穀梁傳及公子瑕累也以尊及卑也通義云瑕者元咺所立不成為君故以咺累之也史記謂衛君瑕出奔誤

衛侯鄭歸于衛

此殺其大夫其言歸何注据未至而有專殺之惡與入惡同

疏歸者出入無惡之文此衛侯出入俱不得無惡而曰歸故難之○注据未至惡同○舊疏云正以復入者出無惡入

有惡今此衛侯未至而專殺歸惡乎元咺也注衛侯歸殺無故宜與入惡同不合言歸

惡則元咺之惡明矣疏罪大夫則不書葬○春秋之義君殺無罪大夫則不書葬○春秋之義君殺無

注不書葬者殺大夫同等是此衛侯出歸與元咺出一事如衛侯殺元咺為無罪大夫衛侯當書入以見義此書歸明

衛侯無惡曷為歸惡乎元咺注据師還疏年文彼傳云還者元咺惡矣曷為歸惡乎元咺注据師還疏年文彼傳云還者

善辭也此滅同姓何善爾非師之罪也注明君之使重在君則彼為歸善于師歸惡于君此歸惡于元咺不歸於衛君與

彼義違故元咺之事君也君出則已入注晉人執衛侯歸之

于京師元咺自晉復歸于衛恃晉力以歸是也疏校勘記云

本同隸釋載公羊殘碑後云三十年言君出則已入然則熹

平石經不與何本同故舉其異者言之注晉人至是也

並見二十八年彼傳云自者何有力焉者也注有力焉君入

者有力於晉也言恃晉有屬己力以歸卽此見咺罪則已出注衛侯鄭自楚復歸于衛元咺出奔晉是也疏注衛

是也亦見以爲不臣也注故不從犯伯執爲天子所還言

上二十八年復歸從出入無惡言歸以見元咺有出入罪衛侯得殺之所

以專臣事君之義名者爲殺叔武之惡天子歸有罪也執歸

不書主書者名惡當見疏正以元咺不臣故衛侯得從出入

惡今爲天子所還爲入無惡書復歸也注以見至之義

包氏慎言云此爲慰君者儆也君天也與君爭曲直是無天

也元咺以不臣論誅明君臣之義無所逃於天地間也注名者至罪也校勘記出之惡云閩監毛本同鄂本無之字

此衍按二十一年疏引此注亦無之字諸侯不生名此書名者君殺無罪世子母弟合絕又以見天子歸有罪與二十八年書衛侯鄭義也上執歸不書名為叔武諱又當書名以見惡故於其歸也書之互文見義也

晉人秦人圍鄭疏稱人者非伯討据左傳為晉文修不禮之怨故

介人侵蕭注稱人者侵中國故退之疏注稱人至退之○決上

之故也毛氏奇齡春秋傳云蕭地近宋宣十二年楚人滅蕭當是宋附庸國按介去蕭絕遠最爾夷稱師寇侵略諸

華故貶稱人退之

冬天王使宰周公來聘注與葵丘會同義疏注與葵丘會同義

云宰猶治也三公之職號尊名也以加宰知其職大尊重當與天子參聽萬機而下為諸侯所會惡不勝任也此宰周公

而下聘諸侯知亦為不勝任穀梁傳云天子之宰通乎四海亦與葵丘會傳同按春秋於王世子出會三公會諸侯出聘

皆議所以尊尊也

公子遂如京師遂如晉

大夫無遂事疏

白虎通爵篇爵皆一字也大夫獨兩字何春

方受君之法施之於民故獨兩字言之按公卿士皆一此其

言遂何公不得為政爾注不從公政令也時見使如京師而

橫生事矯君命聘晉故疾其驕蹇自專常絕之不舉重者遂

富有本疏

通義云政主也義如今日之事我為政遂本受命

而錄之如晉非君命而從內使文者言遂則生事已見故不

嫌也何氏謂不得為政為不從公政令按孔義亦通○注時

見至聘晉○釋文矯居表反又作矯漢書燕王旦傳方今寡

人欲矯邪防非師古曰矯正也○校勘記云宋本同閭監毛本

通矯託也○注故疾至絕之○校勘記云宋本同閭監毛本

之在專下誤也繁露精華云公子遂受命使京師道生事之

之患也風俗通十反云公子遂偃蹇不使下陵上替能無亂
 也○注不舉至有本○遂者繼事之辭必有所本故不得舉
 重也穀梁傳以尊遂乎卑此言不敢叛京師也彼注引何君
 廢疾曰大夫無遂事按宣十二年季孫宿救台遂入鄆惡季
 孫不受命而入也如公子遂受命如晉不當言遂鄭君釋之
 曰遂固受命如京師如晉不專受命如周經近上言天王使
 宰周公來聘故公子遂報焉因聘于晉尊周不敢使並命使
 若公子遂自往然即云公子遂如京師如晉是同周于諸侯
 叛而不尊天子也公羊傳有美惡不嫌同辭何獨不廢之於
 此乎劉氏申何云文八年公子遂會晉會戎四日之間不能
 再出而兩書公子遂以後之奉命正前之專命故加日以表
 之春秋非為尊周而作故朝聘俱言如與諸侯同文豈得云
 叛乎大夫無遂事故公子遂遂卒弑子赤季孫宿遂卒遂昭
 公見微知著為萬世戒也穀梁不傳斯義動成燕說鄭氏從
 而為之辭夫子曰惡依恐其亂義也惡利口恐其亂信也殆
 不免矣按何氏此意極為嚴正鄭氏必欲入室操矛故為劉
 駁所

三十有一年春取濟西田疏左傳自洮以南東傳于濟盡曹地

樂安入海水經注濟水篇濟水又東至乘氏縣西分為二春
 秋分曹地東傳于濟濟水自是東北流出鉅澤其一水東南

流其一水從縣東北流入鉅野澤又狐子河篇又東逕桃城南春秋傳曰分曹地自桃以南東傳于濟盡曹地也今郛城西南五十里有桃城或謂之洸也大事表云禹貢濟水東出于陶丘北郛氏曰曹在濟陰定陶是在濟水之南其地夾於魯衛之間曹在衛東魯更在曹東故在曹則曰東傳于濟而杜注則曰濟水過魯之西也曹魯分境之隘在鉅野壽良須昌之間鉅野縣今分屬曹州府壽良即今兗州府壽張縣須昌在今泰安府東平州今曹州府治即古曹國與魯之東界鉅野相接所爭濟西田蓋在此馬氏宗棧左傳補注云水逕注荷水東逕重鄉南左傳滅文仲宿于重館者也荷水又東逕武棠亭北公羊以為濟上邑也城有臺高二丈許其下臨水昔魯侯觀魚于棠謂此也在方與縣故城北十里經所謂荷水也是曹與魯境相接在荷濟二水之間今分曹田傳于濟蓋過重鄉以南矣

惡乎取之注以不月與取運異知非內叛邑疏注以不至叛

昭元年三月取運傳云運者何內之邑也其言取之何不聽也注云不聽者叛也不言叛者為內諱故書取以起之月者為內喜得之故書月也此取之曹也曷為不言取之曹注據不月知非內邑故問之

取叢言邾婁田也疏注據取叢至田也○見下三十三年按

衍諱取同姓之田也注同姓相貪利惡差重恥差深**疏**姓注同

差深○隱四年注云取邑以自廣大比於貪利差爲重是取邑皆貪利此取同姓田故惡愈重恥愈深也此未有

伐曹者則其言取之曹何注据伐同姓不諱卽有兵當舉伐

曹下日若甲戌取須胸疏注据伐至須胸○文七年公伐邾

此何以日內辭也使若他人然注使若公伐邾邾而去他人

自以甲戌日取之若有兵伐曹注曹宣公伐曹下書某月日取

濟西田矣校勘記云宋本閻益毛本同鄒本下誤不晉侯執曹伯班其所取侵地于諸

侯也注班者布徧還之辭疏左傳取濟西田分曹地也注二

未定至是乃以賜諸侯昭四年左傳例曰凡克邑不用師徒

日取取田義亦同按左氏以濟西田實是曹地非公羊義○

注班者至之辭○校勘記云鄒本徧字空缺按釋文作布徧

經注本蓋作布還此合併爲一爾雅釋言云班賦也注謂布

與書序武王既勝殷邦諸侯班宗彝左傳襄二十六年班荆

相與食注班布也書堯典班瑞于羣侯義亦同國語晉語云

車班外內順以訓之注班徧也通義云班者有差晉侯執曹

等而徧分之辭也奪非具有日取占廣其界日侵晉侯執曹

伯班其所取侵地于諸侯則何諱乎取同姓之田注據晉還

之得爲伯疏注據晉至爲伯○舊疏云卽上二十八年晉侯

之文然此傳云晉侯執曹伯界宋人是也何者稱侯以執伯討

還諸侯之田矣按何意晉還之得人也注晉本爲霸者所還

爲伯討則魯取之無所庸其諱矣久也注晉本爲霸者所還

當時不取久後有悔更緣前語取之不應復得故當坐取邑

疏注魯本至取邑○校勘記出不應以得云鄂本以作復此

在二十八年距此已久事不相承若云取濟西田于曹直似

我取同姓之田不顯伯者所班故諱不言曹使遠蒙晉侯執

曹伯爲文足以相起也解詁箋云當時取之亦坐取邑如鞏

戰書取汶陽田亦不言取之齊也此重在同姓故爲爲久之

文深諱之輕重之旨也傳解詁似失之按此爲晉侯所班彼

爲乘勝脅齊求賂恥甚故雖當時坐取邑然與此辭同義異

公子遂如晉

夏四月四卜郊不從乃免牲猶三望

曷爲或言三卜或言四卜

疏襄七年夏四月三卜郊不從乃免牲是三卜也四卜卽此經及

襄十一年是也三卜禮也四卜非禮也疏禮記曲禮注求吉不過三

卜何以禮四卜何以非禮注据俱卜也求吉之道三注三卜

吉凶必有相奇者可以決疑故求吉必三卜疏注三卜至三

禮云卜筮不過三疏引王肅云禮以三爲成也上句中句下

句三卜筮並用者先用三王筮次用三王龜始是一也三如是

乃爲三也若初始之時三筮三龜皆凶則止或逆多從少或

從多逆少如此者皆至於三也單卜單筮其法惟一用而已

不吉則擇遠日不至於三也前以用三王之龜筮者有逆有

從故至三也此惟用一故不至三也正義又云卜郊之事或

三或四或五襄七年夏四月三卜郊不從乃免牲僖二十一年及襄十一年夏四月四卜郊不從乃免牲成十年夏四月

五卜郊不從三傳之說參差不同若左氏之說魯郊常祀不

須卜可郊與否但卜牲與日唯周之三月爲之不可在四月

雖三卜亦爲非禮故僖三十一年左傳禮不卜常祀是常祀

不卜也襄七年左傳啟蟄而郊郊而後耕今既耕而卜郊宜
 其不從也是用周之三月不可至四月也若公羊之義所云
 卜者皆爲卜日故僖三十一年公羊傳云三卜禮也四卜非
 禮也又成十七年公羊傳云郊用正月上辛何云魯郊博卜
 三正三王之郊一用夏正又定十五年禮三卜之運也何注
 運轉也已卜春三月不吉復轉卜夏三月周五月得二吉故
 五月郊如休之意魯郊轉卜三正假令春正月卜不吉又卜
 殷正殷正不吉則用夏正郊天若此三正之內有凶不從則
 得卜夏三月但滿三吉日則得爲郊此公羊及何休之意也
 穀梁之說春秋卜者皆卜日也哀元年穀梁傳曰郊自正月
 至三月郊之時也或以十二月下辛卜正月上辛卜如不從
 則以正月下辛卜二月上辛如不從則以二月下辛卜三月
 上辛如不從則不郊如是穀梁三正正月卜吉則爲四月五
 月則不可與公羊說同與何休義異休以四月五月卜滿三
 吉則可郊也若鄭元意禮不當卜常祀與左氏同故鄭箴膏
 肓云常卜祀日月爾不當卜可祀與否鄭又云以魯之郊天
 惟用周正建子之月牲數有災不吉改卜後月故或用周之
 二月三月故有啟蟄而郊四月則不可故駁異義引明堂位
 云孟春正月乘大路祀帝于郊又云魯用孟春建子之月則
 與天子不同明矣魯數失禮牲數有災不吉則改卜後月如
 鄭之言則與公羊穀梁傳卜三正不同也按鄭氏曲禮注云
 魯四卜郊春秋譏之正用公羊義何氏定十五年注謂已卜

春三正不吉復轉卜夏三月周五月得二吉故五月郊但論
魯郊一時故事耳非謂五卜郊合禮也與此傳三卜禮也四
卜非禮也亦合春秋凡四月郊皆非禮故舊疏云三卜是禮
理不應書襄七年三卜郊何以書正以魯人之郊博卜三正
襄七年乃在周之四月以其不時是以書也是也蓋魯之正
郊在子月故郊用寅月三王同也所謂啟蟄而郊也周圉丘之祭
在子月故郊用寅月三王同也所謂啟蟄而郊也周圉丘之祭
魯郊卜舊疏云三卜禮是魯禮若天子之郊則不卜以其常
事魯郊非常是以卜之吉則為之凶則已之是也故子月不
吉卜丑月丑月不吉卜寅月寅月若書之者為猶三望故也諸
卜也故春秋譏之不從則不郊而書之者為猶三望故也諸
家唯與左氏禮不卜常祀之說殊耳崔氏三禮義宗自論天
子三筮三卜之常與此經三卜四卜之義異也然如何氏此
注則每卜皆三三卜之中觀其從逆之多少以為吉凶蓋卽
洪範所謂三人占則從二人言與然則傳文求吉之禘嘗不
道三與上傳三卜禮也之三卜各自為義不相涉也禘嘗不
卜郊何以卜注禘比禘為大嘗比四時祭為大故据之疏御
引五經異義今春秋公羊說祀宗廟蠶而不卜傳曰禘祫不
卜古周禮說大宗伯曰凡祀大神享大鬼祭大示率執事而
卜日大鬼謂先王也按曲禮疏引鄭箴音育云當卜祀日月
耳不當卜可祀與否其意以為魯郊常祀不須卜但卜祀日

則宗廟常祀亦不可祀與否仍卜曰又周禮大祭祀命龜
凡國之大事先筮而後卜鄭皆無祭不用卜之解而學記未
卜祔不視學鄭亦不以記文為誤蓋從古周禮說也繁露郊
祀云百神之祭不卜而郊卜郊祭最大也按周禮大禘大禘
有卜日之說然如圜丘方澤皆用二至郊用上辛皆不卜日
也四時迎氣在四立之先三日亦不卜日惟九月明堂大享
帝或須卜日耳其祭大禘則無文以言之通義云夏祭為禘
秋祭為嘗祭統曰周公既沒成王康王追念周公之所以勳
勞者而欲尊魯故賜之以重祭外祭則郊社是也內祭則大
嘗禘是也皆重祭故舉之以相難也禘嘗不卜社是也內祭
春秋無卜文也以禘為時祭非何義然周人以禘為大祭夏
祭改名禘矣○注禘比禘為大○王制疏云其禘祫大祭夏
以公羊傳云大事者何大禘也○王制疏云其禘祫大祭夏
之主皆升合食于太祖故為大事若王肅張融孔晃皆以禘
為大禘為小故王肅論引賈逵說云吉禘于莊公禘者諸也
審諦昭穆遷主遷位孫居王父之處又引禘于太廟遷禮其
昭尸穆尸其祝辭總稱孝子孝孫則是父子並列又云皆升
合食於其祖所以劉歆買達鄭眾馬融等皆以為然鄭不從
者以公羊為正逸禮不可用也又曾子問云七廟無虛主虛
主者唯天子崩與祫祭祝取羣廟之主明禘祭不取羣廟之
主可知按何氏說公羊則以禘大禘小爾雅釋天云禘大祭
也明比各祭為大故禮疏引孫炎等注皆以禘為五年大祭

且經傳凡大祭皆稱禘祭法之禘黃帝禘嚳謂圉大祭也
大傳之禮不王不禘謂夏正郊天也故宗廟大祭亦稱禘祭
義云古者於禘也發爵賜服於嘗也出田邑發秋政又中庸
以禘嘗之義與郊社之禮並舉知禘比禘為大矣文二年傳
以大事為禘者以禘亦大祭非必專以禘為祭之大也舊疏
云禘之與禴雖皆大祭但禘及功臣於禘則否故以禘為大
○注嘗比至為大○禮記祭統云內祭則大嘗禘是也曾子
問云嘗禘郊社尊無二上又曰天子嘗禘郊社五祀之祭禮
家多以嘗禘與郊社並舉郊特牲篇首亦先言郊社稷次言
禘嘗禘禘同為宗廟大祭而禘大於禴禴祠烝嘗同為四時
常祭而嘗大於禴祠烝以秋時百卜郊非禮也注禮天子不
物告成故其祭較三時為特盛也卜郊非禮也注禮天子不
卜郊疏凡禮天神享人鬼祭地祇率執事而卜古春秋左氏
說郊及日皆不卜常以正月上用牲于郊也按春秋禮記皆以郊用
上辛惟書召誥三月丁巳用牲于郊左氏說謂郊以正月上
工蓋据此周三月夏正月也故南齊書禮儀志顧憲之議春
秋傳以正月上辛郊祀禮記亦云南齊書禮儀志顧憲之議春
用牲于郊先儒以為先甲三日辛後甲三日丁亦可以接
事天神與天子郊有常日故不須卜也通義云卜禘嘗得禮
故不書卜郊非禮乃書然禘亦成王特賜與郊祭同不卜郊
得以郊非禮禘得禮禮運云魯之郊禘非禘也是也

何以非禮注据上言三卜禮魯郊非禮也注以魯郊非禮故

卜爾昔武王既沒成王幼少周公居攝行天子事制禮作樂

致太平有王功周公薨成王以王禮葬之命魯使郊以彰周

公之德非正故卜三卜吉則用之不吉則免牲謂之郊者天

人相與交接之意也不言郊天者謙不敢斥尊疏注以魯至

魯郊非諸侯常禮故卜爾非謂魯郊失禮也郊為成王所賜

何非禮之有故舊疏云三卜禮謂是魯禮若天子之郊不

以其常事但以魯郊非常是以卜之吉則為之凶則已之御

覽引異義云今春秋公羊說祀宗廟筮而不卜傳曰禘祫不

卜魯於天子並事變禮今成王命魯使卜郊從乃郊不從則

已下天子也魯以上辛郊不敢與天子同也按天子郊亦用

辛見郊特牲通義云謹案周禮以冬日至祀昊天上帝于圜

丘配以帝嚳謂之禘郊皆有常日故不卜也魯不敢效天子日

后稷謂之郊禘郊皆有常日故不卜也魯不敢效天子日

事天之事故用郊禮而擬禘月轉卜三正與周禮殊康周公

得有此祭耳非常禮也魯郊雖非禮成王賜之魯公受之有

自來矣非八佾兩觀之比故不議議其牲卜失禮者而已齊

氏召南考證云凡春秋書郊皆非禮也於非禮中又有失禮
此爲異耳公羊之說謂於左氏繁露郊祀云郊不辟喪尙不辟況
不敢郊又云春秋議喪祭不護喪郊不辟喪喪尙不辟況
他物。注昔武王之德。禮記明堂位云成王以周公爲有
勳勞於天下命魯公世祀。禮記明堂位云成王以周公爲有
孟春乘大路載弧韋旗十有二旒日月之章祀帝于郊配以
后稷天子之禮也。注孟春建子之月魯之始郊日以至大路
殷之祭天車也。弧旌旗所以張幅也。其衣曰韠天子之旌旗
畫日月帝謂蒼帝靈威仰也。吳天上帝魯不祭又祭統云昔
者周公旦有大勳勞於天下周公既沒成王康王追念周公
之所以勳勞者而欲尊魯故賜之以重祭外祭則郊社是也
內祭則大嘗禘是也。詩魯頌譜云初成王以周公祭則郊社是也
典法之勳命魯郊祭天三望如天子之禮故孔子錄其詩之
頌同於王者之後又闕宮箋云成王以周公功大命魯郊祭
天亦配之以君祖后稷其牲用赤牛純色與天子同也。明堂
位又云武王崩成王幼弱周公踐天子之位以治天下六年
朝諸侯於明堂制禮作樂頒度量而天下大服是其攝天子
制太平事也。周公制禮攝政鄭氏與諸家不同鄭以武王崩
時成王年十歲周公攝政攝政攝政攝政攝政攝政攝政攝政
月喪畢成王卽位求攝周公將代之管蔡流言周公避居東
都時成王年十三明年成王盡執拘周公黨與故金縢云周
公居東二年則罪人斯得時成王年十四至明年秋有雷風

之異迎周公而反則居攝之元年時成王年十五明年誅武
庚管蔡又明年自奄而還四年封康叔成王年十八明年營
洛邑六年制禮作樂七年致政成王年二十一焉王肅等以
家語武王崩時成王年十三故詩疏引金縢注云文王十五
生武王九十七而終時受命九年武王崩以冬十二月其明
紂明年有疾時年八十八九十三而崩以冬十二月其明年
稱元年周公居攝稱元年遭流言東征二年克殷殺管蔡三
年歸制禮作樂出入四年至六年而位成七年營洛邑作康誥
召誥洛誥致政成王然則成王即位時十三歲政七年成王
年二十偽孔傳同詩鴟鴞傳甯亡二子不可以毀我周室則
無避居之事應同王孔之說何氏此注亦言成王幼少周公
居攝明即位時即攝位不必俟東征後或與王肅等同也王
肅亦必有所受或即班固賈逵舊說耳白虎通封公侯篇周
公身薨天為之變成王以天子之禮葬之命魯郊以明至孝
天所興也論衡感類篇開墮得書覺悟泣過決以天子之禮
葬公出郊觀變天止雨反風禾盡起漢書梅福傳昔成王以
諸侯禮葬周公而皇天動威風雷著變又儒林傳谷永上疏
曰昔周公薨成王葬以天子之變禮而得正後漢書周舉傳
言事者多云昔周公攝天子事及薨成王欲以公禮葬之天
為之動變及更葬以天子之禮即有反風之應舉對曰昔周
公有請命之應隆太平之功故皇天動威以彰聖德後漢孝
靈紀張奐上疏曰昔周公既薨成王葬不具禮天乃大風偃

木折樹成王發書感悟備禮改葬天乃立反風樹木盡起按
書金縢云秋大熟未穫天大雷電以風禾盡偃大木斯拔邦
人大恐王與大夫盡弁以啟金縢之書又云昔公勤勞王家
惟予冲人弗及知今天動威以彰周公之德惟朕小子其親
迎我國家禮亦宜之王出郊天乃雨反風禾則盡起似風雷
金縢之變在周公未沒之前與此殊者後漢書注引洪範五
行傳云周公死成王不圖大禮故天大雷雨禾偃木拔及成
王寤金縢之策改周公之葬尊以王禮申命魯郊而天立復
風雨禾稼盡起漢書注引書大傳又曰周公疾曰吾死必葬
於成周示天下臣于周也周公死天乃雷雨以風禾盡偃大
木斯拔國恐王與大夫開金縢之書執書以泣曰周公勤勞
王家予幼子不及知乃不葬於周而葬于畢示天下不敢臣
通鑑前編引書大傳又云所以明大功尊有德故忠孝之道
咸在周公成王之問故魯郊成王所以禮周公也然則今文
尚書以風雷之變在周公沒後以王禮葬賜魯郊均在啟金
縢後與今文春秋同也史記魯世家亦云周公既卒成王亦
讓葬周公于畢從文王以明子小子不敢臣周公也周公卒
後秋未穫暴風雷雨禾盡偃大木斯拔國大恐成王與大
夫朝服以開金縢書王乃得周公命國人凡大木所偃盡
王出郊天乃雨反風禾則盡起二公命國人凡大木所偃盡
起而築之歲則大熟於是成王命魯得郊祭文王魯有天子
禮樂者以褒周公之禮也史公多從安國問故則古文尚書

家亦同此說也。繫露郊。事對云。臣湯問仲舒。天子祭天。諸侯祭土。魯何緣以祭郊。臣仲舒對曰。周公傳成王。成王遂及聖功。莫大於此。周公聖人也。有祭於天道。故成王命魯郊也。禮記禮運云。醴皐及尸。君非禮也。是謂僭君。注僭禮之君也。醴皐先王之爵也。唯魯與王者之爵也。魯有六代之樂。王者之後得用。曰醴皐。知唯魯與王者之爵也。魯有六代之樂。王者之後得用。禮運云。杞之郊也。禹也。宋之郊也。契也。魯以周公之後得用。以郊。故春秋以爲非禮。謂非諸侯之正禮。非謂魯不宜郊也。○注非正。至免牲。○正以天子郊。常事。故不須卜。魯郊非正。故卜下。於天子也。三卜者。博卜三次。謂用止。正。二三月也。月各一卜。無論何月。吉則用之。三不吉。則止。故免牲。○注謂之至意也。○禮記郊特牲云。於郊。故謂之郊。何氏所不取。郊交疊。頌爲訓。穀梁傳注。謂之郊者。天人相與交接之意也。本此爲說。繁露郊祀云。立爲天子者。天子是家。天子是家者。天使是家。天使是家。不可接天。何哉。○注不言至。斥尊。○穀梁傳注云。不言郊。天者。不敢斥尊也。舊疏云。欲道禘于太廟。于莊宮。武宮之屬。皆斥尊。言之若然。乙亥嘗已。卯烝之屬。又不斥言者。以是時祭于太廟。小於禘。故也。按時祭。偏及羣廟。故不記。時祭之禘。且各有所爲也。○魯郊何以非禮。注。据成公乃

不郊惡之疏

注據成至惡之。成十年夏四月五卜郊不從乃不郊。

天子祭天注郊者

所以祭天也。天子所祭莫重於郊。於南郊者就陽位也。橐席

元酒器用陶匏大珪不瑑大羹不和為天至尊物不可悉備

故推質以事之疏

注郊者至於郊。○禮記曲禮天子祭天地

郊又云郊因於新歲之初聖人有以起之法王者歲一祭天於

也天者百神之君也王者之所最尊也以晨尊天之故故易

始歲更紀即以其初郊郊必以正月上辛者言以所最尊首

一歲之事每更紀者以郊郊祭首之先貴之義也通典注引

丞相匡衡御史大夫張譚奏言帝王之事莫大於承天之序

承天之序莫重郊祀荀子禮論篇郊止乎天子社止於諸侯

道及士大夫所以別尊者事尊卑者事卑宜大者鉅宜小者

小通義云謹案禮三本曰郊止天子社至諸侯道及士大夫

此言天之道尊地之道親尊則祭其尊者卑則祭其親者禮

經多天地社稷並稱諸侯不得祭天故天子以郊祭為至重

繁露郊祭云春秋之義國有大喪者止宗廟之祭而不止郊

祭不敢以父母之喪廢事天地之禮也○校勘記云鄧本於

天郊如此甚也是也○注於南至位也○郊特牲曰郊之祭也大

作居此本疏標起訖同當據正禮記郊特牲曰郊之祭也大

報天而主日也兆於南郊就陽位也注曰太陽之精也通典
注引匡衡等奏亦云祭天南郊就陽之義也○注祭席至事
之○校勘記云何校本祭天南郊就陽之義也○注祭席至事
鄂本同闕監毛本球作琢非疏同釋文亦作琢又出推贊云
鄂本同闕監毛本球作琢非疏同釋文亦作琢又出推贊云
記云酒體之美元酒明水之尚貴五味之本也酺載文縑之
美疏布之尚反女功之始也莞簟之安而蒲越蒙韞之尚明
之也太羹不和貴其質也大圭不琢美其質也丹漆雕幾之
美素車之乘尊其樸也貴其質而已矣又曰埽地而祭於其
質也器用陶匏以象天地之性也注觀天下之物無可以稱
其德所以交於神明者不可同於所安褻之甚也如是而後
宜注尚質貴本其至如是乃得交於神明之宜也蒙席者禮
記禮器云而蒙韞之設注韞去實曰韞禹貢三百里納韞服
蒙韞除穗粒取稗蒙為席也元酒者禮運云元酒在室正義
元酒謂水也以其色黑謂之元太古無酒此水常酒所用故
謂之元酒謂用陶匏者郊特牲疏云陶謂瓦器謂酒尊及豆
簋之屬故周禮旅人為簋匏特牲疏云陶謂瓦器謂酒尊及豆
琢注云大圭長三尺杆上終葵首琢當為篆字之誤也太羹
不和者禮器疏云太羹肉汁也不和無鹽梅也太古初變腥
但煮肉而飲其汁未知調和是也續漢志注引援神契云燔
燎埽地祭牲蒲栗或象天酒旗坐
星厨倉具黍稷布席極敬心也
諸侯祭土注土謂社也諸

侯所祭莫重於社卿大夫祭五祀上祭其先祖疏云禮記天子祭

天地諸侯祭社稷注土謂社也禮記郊特牲云社祭土

而主陰氣也君南嚮於北彌下答陰之義也日用甲用日之

始也風俗通祀典篇孝經說社者土地之主土地廣博不可

徧敬故封土以爲社而祀之報功也漢書郊祀志帝王建立

社稷百王不易社者土也吳氏經說按土地聲轉土之於地

猶火之於燧貨之於賄古今字也故經傳多以土對天易麗

乎天麗乎土詩溥天率土與此傳皆是公羊禮說云傳不言

社而言土者公羊之說不取左氏句龍爲后土祀以爲社也

郊特牲曰社祭土而主陰氣孝經說社者土地之神白虎通

土生萬物天下之所主則此不言社而言土者指丘土而不可

指句龍鄭康成曰社爲五土總神稷爲原隰之神句龍以有

平水土之功配祀之稷有播種之功配祀之若王肅駁

融之徒以社祭句龍稷祭后稷然皆人鬼也而非地神鄭駁

異義曰宗伯以血祭社稷五祀五嶽社稷之神若是句龍

柱弃不得先五岳而食鄭氏說諒矣足以破許說之謬蓋土

是本名神之爲社傳言土者據本名也漢高以夏禹配官社

所配之人鬼可以任其推遷而五土之神終不可易孟子所

謂變置社稷亦指所配之人耳注諸侯至於社舊疏云

欲道魯郊爲非禮之義也對五祀宗廟則社祭爲重注卿

大至先祖禮記曲禮云大夫祭五祀歲徧士祭其先白虎

通五祀篇五祀者何謂也謂門戶井竈中雷也所以祭何人
之所處出入所飲食故為神而祭之何以知五祀謂門戶井
竈中雷也月令曰其祀戶又曰其祀竈其祀中雷其祀門其
祀井獨大夫以上得祭之何士者位卑祿薄但祭其先祖耳
漢書郊祀志大夫祭門戶井竈中雷五祀士庶人祖考而已
尸子先王之祀禮也天子祭四極諸侯祭山川大夫祭五祀
士祭其廟也若然祭法云大夫立三祀者鄭注曲禮大夫五
祀為夏殷法注王制五祀是有采地者按曲禮注較安夏殷
禮質周文有等威之辨降殺以兩則大夫不得同諸侯五祀
故減去司命中雷適士又減去族厲立二祀庶士庶人立一
祀或戶天子有方望之事注方望謂郊時所望祭四方羣神
或竈也

日月星辰風伯雨師五嶽四瀆及餘山川凡三十六所疏方注

望至六所。方望謂四方所望也舊疏引舊說云四方羣神
是為四也通日月為六星是五星為十一也辰是十二辰為
二十三風伯雨師為二十五五嶽為三十四瀆為三十四餘
小山川為二是為三十六所漢書郊祀志曰王莽引周官大
合樂祀四望釋之曰四望謂日月星海也三光高而不可得
親海廣大無限界故其樂同祀天則天文從祭墜則墜理從
三光天文也山川地理也鄭司農注大宗伯云四望謂日月
星海與漢志同蓋古周禮說通義云言通乎四方也周禮兆

四望于四郊按注言四方羣神言其凡日月星辰以下其目也日月星辰以下即四方之神天子郊天時望而祭之故周禮即以四望括之四方羣神不在三十六所內夫曰羣則每方不止一神矣舊說誤無所不通注盡入

極之內天之所覆地之所載無所不至故得郊也疏注盡入

○正以極至也盡四方之所至故天所覆地所載無不包也爾雅釋地有四極彼謂四方極遠之國其實猶未盡極也分

言之八極總言之四極同也詩文王云使不挾四方傳挾達也御覽引白虎通云門四出何以通四方也大戴禮虞戴德

云天子之宮四通正地事也唯天子乃能達四方故無所不通諸侯則被亦如天子周城諸侯則軒城天子宮縣諸侯則

軒縣天子脩四時之祭諸侯則祠則不祠祠則不嘗嘗則不

烝烝則不祠皆闕其一也此天子有四望之祭諸侯止三望亦猶是也郊祀志云天子祭天下名大山山川隸柔百神咸秩

無文五嶽視三公四瀆視諸侯是無所不至嶽瀆舉其大也諸侯山川有不在其封內者則不祭也注故魯郊非禮也疏

繁露王道云春秋立義天子祭天地諸侯祭社稷諸山川不

在封內者則不祭禮記王制云諸侯祭名山大川之在其地者又祭法云有天下者祭百神諸侯在其地則祭之在其地則不祭郊祀志云諸侯祭其疆內名山大川爾雅釋地梁山

晉望也又禮記禮器云晉人將有事于河必先有事于惡池
齊人將有事于泰山必先有事于配林左傳昭七年韓宣子
曰並走羣望又昭十三年左傳楚共王大有事於羣望謂此
屬也說苑君道篇楚昭王有疾卜之曰河爲祟大夫請用三
牲焉王曰止古者先王割地制土祭不過望江漢睢漳楚之
望也禍福之至不是過也不穀雖不德河非所獲罪也遂不
祭焉仲尼聞之曰昭王可謂知天道矣其不失國宜哉又見
哀六年左傳明河非其封內山川也風俗通怪神云禮天子
祭天地五嶽四瀆諸侯不過其望也大夫五祀土門戶庶人
祖蓋非其鬼而祭之詔也不過其望卽不出封內也通義云
若晉望梁山楚望江漢睢漳是也諸侯所祭唯封內山川而
已無方望之事也穀梁注引鄭君曰望者祭山川之名也謂
海也岱也淮也此專指魯言○注故魯郊非禮也○通義曷
云魯之望亦非禮按魯止望祭其封內山川不得云非禮曷
爲或言免牲或言免牛疏成七年春王正月飢鼠食郊牛角
也免牲禮也注魯卜郊不吉免之禮卜郊不吉則爲牲作元

衣纁裳使有司元端放之於南郊明本爲天不敢留天牲疏

注魯卜至免之○正以天子不卜郊故專指魯言也○注禮
下至南郊○穀梁傳曰免牲者爲之緇衣纁裳有司元端奉

送至于南郊免牛亦然注元端黑衣接神之道元熏者天地之色也南郊天位歸之于陽也淮南子齊俗訓譬若芻狗土龍之始成文以青黃絹以綺繡繼以朱絲尸祝祔袷大夫端冕以送迎之義亦同此穀梁哀元年傳卜免牲者吉則免之不吉則否又曰嘗置之上帝矣故卜而後免之不敢專也卜之不吉則如之何不免安置之繫而待六月上甲始庀牲然後左右之公羊無此義○注明本至天牲○成七年傳不免牲故言乃不郊也注不免牲當坐盜天牲失事天之道不免牛非禮也免牛何以非禮傷者曰牛注養牲不謹敬有災傷天不饗用不得復為天牲故以本牛名之非禮者非大牲不當復見免但當內自省責而已疏傷曰牛未牲曰牛其牛一也其所以為牛者異有變而不郊故卜免牛也已牛矣其向卜免之何也禮與其亡也甯有按彼傳未牲曰牛即哀元年之改卜牛定十五年之牛死改卜牛宣元年之改卜牛成七年之改卜牛是也傷曰牛則定十五年之騷鼠食郊牛哀元年之騷鼠食郊牛角宣三年之郊牛之口傷成七年之騷鼠食郊牛角又乃免牛是也傳以傷者曰牛別乎全者曰牲其未成牲曰牛從可知也○注養牲至名之○校勘記出養牲不謹敬有災傷云鄂本宋闕本同監本刪改有作致毛本從

之按作致是也禮記郊特牲云帝牛不吉以爲稷牛帝牛必
在祿三月稷牛唯具所以別事天神與人鬼也注祿牢中所
投除處也周禮牛人凡祭祀共其享牛求牛以授職人而芻
之注職讀爲織織人者謂牧人充人與牧人云凡祭祀共其
犧牲以授充人繫之充人云祀五帝則繫于牢芻之三月益
牲中選者牛人入之牧人臨祭時牧人授之充人充人繫養
之三月一時節氣成此養牲之節也左傳牛卜日曰牲注既
得吉日則牛改名曰牲謂在祿三月無災者故尊而異之也
不謹而災傷天神不享則仍其本稱牛也通義云養牲不謹
致有傷而免之失敬事之禮故言免牲者不議言免牛者議
也牛得卜曰牲牲傷不可用乃復名之曰牛○注非禮至而
已○校勘記出非大牲云郭本同閩監毛本大作天是也上
文兩言天牲穀梁傳言免牛亦然與公羊義乖按既不成牲
天之所棄仍元衣纁裳放之南郊何爲故但自省責而已繁
露順命云孔子曰畏天命畏大人畏聖人之言至於祭天不
享其卜不從使其牛口傷踐鼠食其角或言食牛或言食而
死或食而生或不食而自死或改卜而牛死或卜而食其角
過有深淺薄厚而災有簡甚不可不祭也是則省責之義也

三望者何望祭也然則曷祭祭泰山河海疏

校勘記云唐石經郭本同閩監

毛本泰作大下同按釋文作太山云本亦作泰今本當據此
改周禮疏引異義謹案云春秋魯郊祭三望言郊天日月星

河海岱凡六宗魯下天子不祭日月星但祭其分野星國中
山川故言三望按左傳望郊之細也疏引賈逵服虔以爲三
望分野之星國中山川與許說同毛詩疏引鄭駁異義云昔
者楚昭王曰不穀雖不德河非所獲罪言竟內所不及則不
祭也魯則徐州地禹貢海岱及淮惟徐州以昭王之言魯之
冀界亦不及河則所望者海岱也岱也淮也淮也之謂三望陳氏
壽祺五經異義疏證云分星不涉於望河又魯竟所不及說
者咸失其義康成駁異義獨據禹貢海岱及淮惟徐州謂魯
卽徐地而以淮易河考職方氏周無徐州徐入于青魯地兼
踰充徐尙書費誓言徂茲淮夷徐戎並興詩魯頌言泰山巖
巖魯邦所瞻又曰遂荒大東至于海邦淮夷來同又曰遂荒
徐宅至于海邦淮夷蠻貊及彼南夷莫不率從漢書地理志
魯地奎婁之分野也東至東海南有泗水至淮得臨淮之卜
相僮取慮皆魯分也康成本此按此下云河海潤乎千里以
其通氣致雨潤澤所及故亦秩而祭之蓋又不在竟內山川
之限矣通義云北望泰山西望河東望海南不及淮者關其
一方以下天子是也蓋望爲祭羣神之通稱白虎通封禪云
望祭山川祀羣神也魯祭泰山河海故止三望耳堯典望于
山川徧于羣神詩疏引鄭注望者祭山川之名徧者以尊卑
秩祭羣神若邱陵墳衍之屬欲對文故望與徧異其實山川
之神亦以尊卑秩祭名山大川在其地者注云魯人祭泰山晉
也又王制諸侯祭名山大川在其地者注云魯人祭泰山晉

人祭河疏泰山是齊魯之界故齊亦祭之也曷為祭泰山河海注据郊者主為祭

天山川有能潤于百里者天子秩而祭之注此皆助天宣氣

布功故祭天及之秩者隨其大小尊卑高下所宜禮祭天牲

角繭栗社稷宗廟角握六宗五嶽四瀆角尺其餘山川視卿

大夫天燎地瘞日月星辰布山縣水沈風磔雨升燎者取俎

上七體與其珪寶在辨中置於柴上燒之疏注此皆至及之

五嶽何以視三公能大布雲雨焉能大斂雲雨焉說苑辨物篇

出膚寸而合不崇朝而雨天下施德廣博故視三公也四瀆

何以視諸侯能蕩滌垢濁焉能出雲雨千里焉為施甚大故

視諸侯也山川何以視子男也能出物焉能潤澤物焉能生

雲雨為恩多然品類以百數故視子男也書曰禋于六宗望

秩于山川徧于羣神矣博物志五嶽視三公四瀆視諸侯通

靈助化位相亞也○注秩者至所宜○書堯典望秩于山川

公羊疏引鄭注秩者徧以尊卑秩祭之五嶽視三公四瀆視

諸侯其餘小者或視卿大夫或視伯子男是即隨其尊卑高

正字扶段借也。○注禮祭至大夫。○舊疏云皆王制與禮說
文穀梁疏引稽命徵云祭天饋角。○舊疏云皆王制與禮說
嶽四瀆之牛角尺禮記王制云祭天地之牛角。○舊疏云皆
牛角握賓客之牛角尺此舊疏所謂王制及禮說文也。二者
相兼乃備王制注云握謂長不出膚蓋社稷次于天地故與
宗廟同六宗五嶽四瀆與大夫賓客同其餘山川則舊疏云
小山川之屬但牽牛而已所謂視卿大夫也。按詩疏引稽命
徵云宗廟社稷角握牛角握五嶽四瀆角尺穀梁疏引云郊天
禮器疏引云社稷牛角握五嶽四瀆角尺穀梁疏引云郊天
牛角。○舊疏云三望之牛角尺皆為稽命徵語小異也。王制注云
視者視其牲器之數疏引書大傳云五嶽視三公四瀆視諸
侯其餘山川視伯小者視子男。○鄭注云謂其牲幣案盛饗豆
爵獻之數按周禮上公饗餼九牢。○鄭注云饗禮九獻豆四十
侯伯饗餼七牢。○鄭注云饗禮七獻豆三十。○有子男饗餼五
牢。○鄭注云饗禮五獻豆二十。○有子男饗餼五獻豆二十。○
亦太牢。○舊疏云有二祭四望山川用毳冕鄭注禮器五獻祭
云謂祭四望山川也。又侯伯無別三公皆與子男同。今此云
五嶽四瀆角尺其餘山川視卿大夫則嶽瀆無異不別公侯
伯子男則以諸侯同而王制云五嶽視三公四瀆視諸侯似
三公尊於諸侯書大傳夏傳又云四瀆視諸侯小者視伯小
者視子男是伯與侯別並與周禮不同。王制疏云此王制所
陳多謬夏殷之制夏傳所說又非周代之禮鄭之所注者當

據異代法也然則何氏所據或亦非盡周禮與孫氏志祖讀
善胙錄云詩有抹其角毛傳社稷之牛角尺疏云王制無社
稷之文卑於宗廟疑與賓客同尺也志祖疑賓客或即社稷
之譌蓋祭字貫下三句也賓客不得言祭矣禮器牲不及肥
大正義謂郊牛鬯栗宗廟角握社稷角尺各有所宜亦可證
然繁露郊事對引王制亦作賓客之牛角尺下云德滋美而
牲滋微也按以牛角次之則四望山川卑於社稷而禮器述
諸神獻數則社稷五祀在三獻四望山川在五獻又周禮司
服希冕三章祭社稷五祀毳冕五章祭四望山川在社稷上
者禮記疏引熊氏云獻與衣服從神之尊卑其餘處尊者以
其有功與地同類故進之在上從國中之神莫貴於社稷之
類直以功見其實卑也以是地別神故不為尊也義或然也
○注天燎○爾雅釋天祭天曰燔柴郭注既祭積薪燒之禮
親禮曰祭天燔柴禮記祭法曰燔柴于泰壇祭天也正義謂
積薪于壇上而取玉及牲置柴上燔之使氣達于天也說文
示部柴燒祭天也引虞書作柴又火部燎祭天也說文柴
與柴同此聲故燒柴祭曰柴白虎通封禪篇燎祭天報之義
也書堯典至于岱宗柴柴即燎故禮記注引鉤命決禮記疏
引斗威儀並云封于太山考績柴燎是也詩大雅棫樸薪之
楨之箋云白桮相樸屬而生者枝條芃芃然豫斫以為薪至
祭昊天上帝及三辰則聚積以燎之周禮大宗伯云以禋祀
祀昊天上帝以實柴祀日月星辰以楨燎祀司中司命羈師

南師注禮之言煙周人尙臭煙氣之臭聞者樞積也詩曰
芄械樸薪之樞之按大宗伯所記總釋祀天神之禮爾雅徒
釋祭名祭法專指祭天每歲常禮親禮據鄭注引郊特牲曰
郊之祭也迎長日之至也大報天而主日也又引宗伯職以
實柴祀日月星辰則燔柴祭天謂祭日也蓋皆燔柴也○注
地瘞○釋天曰祭地曰瘞瘞注既祭埋藏之詩疏引李巡云
祭地以玉埋地中曰瘞埋孫炎云瘞者翳也既祭翳藏地中
也祭法瘞埋于泰折祭地也疏謂瘞謂埋牲祭神州地祇于
北郊也周禮司巫云凡祭祀守瘞注瘞謂若祭地示有埋牲
王者也守之者以祭禮未畢若有事然爾雅釋言云瘞幽也
鄭注禮運云埋牲曰瘞埋於地尙幽故謂之瘞也又周禮肆
師云立大祀用玉帛牲牲鄭司農云大祀天地蓋祭天則燎
柴加牲玉祭地則埋牲玉焉觀禮云祭地瘞鄭注云柴爲祭
日則祭地瘞者祭月也則與爾雅祭法文同而義微別周禮
大宗伯云以血祭祭社稷五祀五獄以狸沈祭山林川澤以
騶辜祭四方百物注陰祀白血起故書騶爲罷鄭司農云罷
幸披磔牲以祭若今時磔祀狗豕也騶而磔之謂磔攘及蜡祭
澤曰沈順其性之含藏騶牲豕也騶而磔之謂磔攘及蜡祭
明地示之屬皆取義於幽陰也埋牲蓋先磔而後埋與○注
日月星辰布○釋天云祭星曰布郭云布散祭於地釋文引
李巡云祭星者以祭布露地故曰布俾雅引釋名云祭星曰
布取其象之布也舊疏引孫炎又云既祭布散於地似星

布列也按祭法云幽宗祭星也注宗當爲祭幽祭亦謂星壇也星以昏始見祭之言營也又云王宮祭日也夜明祭月也注王宮日壇王君也日稱君宮壇營域也夜明月壇也日月星辰天神故築壇以祭布者其祭之形蓋日月星辰則亦燔柴用牲矣祭義曰郊之祭大報天以實柴祀日月星辰則亦燔柴用牲也○注山縣○釋天曰祭山曰廢縣注或廢或縣置之千山山海經曰縣以吉玉是也舊疏引李巡注云祭山以黃玉及磬以廢置凡上遙遙而賦之若縣故曰廢縣又引孫炎云廢縣理於山足曰廢埋於山上曰縣是也觀禮云祭山曰陵升賈疏升卽廢縣也大宗伯於祭山林川澤曰狸沈注祭山曰陵日埋然則觀禮之升卽縣大宗伯之狸卽廢各舉其一也注水沈○釋天云祭川曰浮沈注投祭水中或浮或沈觀禮云祭川沈疏言沈不言浮者文略也大宗伯注祭川曰沈沈書大傳云沈四注鄭注沈祭名襄十八年左傳沈玉以濟昭二十四年左傳沈玉以祭也夏官小子云凡沈辜侯禱飾其牲玉而沈皆謂沈玉以祭也夏官小子云凡沈辜侯禱飾其牲沈故祭名沈爾雅名浮沈者對祭山曰廢縣成文物必先浮而後沈有或浮或沈之象故也胡氏培翬廢縣浮沈解云承詢爾雅廢縣浮沈之義謂廢縣不當訓爲埋廢當與禮經闕廢食同義按尊見甚確玉篇云度闕也廢同度引祭山曰廢

縣可證但爾雅儀禮周禮三經文各有當而義無妨鄭志引
疑爾雅文雜不可据以難禮周禮賈疏廢縣爲異代法皆非
爾雅祭地曰瘞狸祭山曰廢縣祭川曰浮沈儀禮云祭山曰
陵升祭川沈祭地瘞周禮云以狸沈祭山陵川澤按瘞理是
以牲玉埋藏於地中廢縣則有陳列之義李巡曰祭山以黃
玉以璧廢置几上邢疏云縣謂縣其牲幣于山林中其說良
近蓋古者祭山之法先廢縣而後埋之故祭山又名族旅臚
陳之也山海經凡祠山多言肆瘞注肆陳之也陳牲玉而後
瘞藏之此先陳後狸之證廢縣蓋族陳之義祭山先廢縣而
後埋故亦謂之埋對文則祭地爲瘞埋祭山爲廢縣有異散
文則通惟祭川是以牲玉投置水中不得名埋故名浮沈或
名沈凡以物入水通謂之浮沈詩云載沈載浮舟浮物亦名
沈可見浮沈無定稱或欲分牲爲浮玉爲沈非是周禮小子
賦沈辜候禋飾其牲鄭司農云沈謂祭川則牲亦言沈也祭
川或言浮沈或言沈猶爾雅祭地曰瘞埋儀禮云祭地瘞文
有詳略而義不殊儀禮祭山曰陵不云廢縣而云升者對沈
言之且兼明就祭之義其實名異義同周禮止云祭山林川
澤無祭地之文故祭山林亦通謂之狸此三經詳略異同之
義謂爾雅廢縣爲卽周禮之所謂狸固非而以周禮疑爾雅
亦非也按胡氏謂先陳後狸其說精確不然則與祭地之瘞
狸何異不燒而埋者爲地祇故也以別乎天神○注風磔○
釋天云祭風曰磔郭云今俗當大道中磔狗云以止風此其

象舊疏引李巡云祭風以牲頭鬣及皮破之以祭故曰磔孫
炎云既祭披磔其牲以風散之鄭司農注大宗伯云罷辜披
磔牲以祭若今時磔狗祭以止風又注小宗伯云羣謂磔牲以
祭也引月令九門磔麋以畢春氣賈疏大宗伯云此舉漢法
以充驅辜為磔之義也必磔狗止風者狗屬西方金制東
方木之風故用狗止風也邵氏晉涵爾雅正義云封禪書秦
德公作伏祠磔狗邑四門以禦魘菑按於文皿蟲為蠱蟲生
於風秦制是祭風之制也後鄭大宗伯注云驅蠱牲胸也驅
而磔之謂磔麋及蠆祭蓋當時驅磔牲體皆從胸臆解析之
月令於季春云磔獺又十二月大雉時亦磔獺蓋磔牲以禳
去惡氣猶磔狗以止風也○注雨升○舊疏云無文何氏更
有所見公羊問荅云問雨升果無文乎曰舊疏云無文何氏更
曰升祭星曰布升取其氣之升也布取其象之布也徐特未
之見耳按周禮大宗伯以禋燎祀飢飢雨師蓋燔燎而煙氣
上達故謂之升與禮記實柴互文見義焉○注燎者至燒之
○禮記疏引韓詩內傳云天子奉玉升柴加于牲上三禮義
宗云祭天以燔柴為始然後行正祭又云凡祭天神有二玉
禮神者訖事即收祀神者與牲俱燎今國家郊祀天地祀神
之玉常用禮神之玉則無請下有司求良玉造蒼璧黃琮等
九器訖則藏之其燎玉依常制從之禮神之玉即大宗伯之
蒼璧以事天黃琮以禮地又典瑞之四圭有邸以事天兩圭
有邸以祀地者也其燔柴之玉則肆師云立大祀用玉帛牲

性其實肆師所共不獨升煙瘞埋之玉帛牲亦兼有禮神之
玉帛牲也大宗伯注鄭司農云實柴實牛柴上焉書釋文引
馬融書注云祭時積柴加牲其上而燔之蓋大宗伯之煙祀
實柴燔燎大同凡祀天神皆積柴燔之上加牲體其玉帛或
有或無也其祭圖方澤南北郊則牲帛俱有其七體者舊
疏云即少牢之肩臂膊肱正有脰脊橫脊短脅正脅代脅
之屬也按何注言七體者指豚解言謂殊左右肱股而為四
又兩脅一脊而為七也禮記禮運云脰其俎謂豚解而脰之
謂之全胫左右肱骨各三亦謂之前脰骨三者肩臂膊也左
右股骨各三又謂之後脰骨三者膊肱骨也共十二體有骨
三正有脰脊橫脊也合為十五又左右兩脅骨各三正脅代
脅短脅也合為二十一體所謂體豚也又謂之房脊少牢十
一體去殼也又按類聚引書曰白魚入于舟中王跪取出涖
以燎即今文大誓語詩疏引鄭彼注云涖涖也王出于岸上
燎魚以祭變禮也蓋祭天禮用特牲今取魚以燎故為變禮
武王以魚為瑞故特燎以祭儀禮疏引書中候云魚者水精
隨流出入得觸石而出膚寸而合注側手為膚按指為寸言
申朕意是也觸石而出膚寸而合注側手為膚按指為寸言
其觸石理而出無有膚寸而不合疏白石神君碑觸石而出
兩沾洽後漢書注引書大傳曰五岳皆觸石出雲膚寸而合
不崇朝而雨天下○注側手至不合○通義云謹案膚與堂

上七扶之扶同四寸曰扶取其鋪四指也阮氏福膚寸而合
解云膚之音與扶相通禮記投壺云室中五扶堂上七扶庭
中九扶鄭康成注鋪四指曰扶伏生尚書大傳扶寸而合鄭
注四指曰扶音膚韓非子上告扶寸注四指為扶玉篇廣韻
皆作扶由是觀之則膚扶聲之轉所謂膚寸而合者如雲出
山散而不合則不得雨今膚寸而合如人以兩手之四指平
鋪先分兩處向下覆之由分而合漸肖雲合之狀合之甚易
故云膚寸而合不崇朝而雨遍天下非謂泰山之雲相難四
寸而合也按王制云牛角握注握謂長不出膚疏引公羊作
傳并鄭注投壺禮四指曰扶亦以扶與膚同玉篇引公羊作
扶寸而合廣韻同又引注云側手曰扶按指曰寸是古本公
羊膚皆作扶也膚亦或謂之握禮鄉射禮箭簪八十長尺有
握握素注握本所持處也握本以作膚張氏爾岐鄭注句讀
云握本以作膚以字疑誤別本刊本一作膚亦費解或刊本
一讀屬上句一作膚指握字有作膚者四指曰膚與握義同
握曰指即四寸籌長尺四寸其四寸則刊之使白也儀禮古
義云按文當云握本作按依鄭本改按膚寸而合如注解甚
直捷言雲觸石而出膚寸之微皆合注云無有膚寸而不合
是也不必如阮說之月生別解也按指為寸者說文寸部寸
十分也人手卻一寸動脈謂之寸口从又一徐鍇曰一者記
手腕下一寸此指事也凡寸
尺丈皆取法於人身故也
不崇朝而徧雨乎天下者唯泰

山爾注

崇重也不重朝言一朝也

疏

後漢書肅宗紀五岳四瀆及名山能興雲致

雨者莫不崇朝偏雨天下之報詩召南殷其雷傳山出雲雨以潤天下翁氏方綱兩漢金石記云傳文初無雲字唐人類書引此乃加一雲字曰唯大山雲爾誤也何休注曰言其觸石淒而出無有膚寸而不合下文河海潤乎千里彼注曰亦能通氣致雨潤澤及于千里據此則所謂出合者山之氣爲之也觀此白石神君碑上言出讀長育下言澍雨沾洽信知公羊二語之不知雲矣劉氏寶楠云翁氏以觸石二句爲山氣非山雲不知雲亦氣也尙書大傳五岳皆觸石出雲扶寸而合不崇朝而雨天下卽本公羊傳三公山碑觸石與雲不崇朝而雨祀三公山碑興雲膚寸無極山碑觸石膚寸興雲祁祁西岳華山碑觸石興雲雨我農桑皆指雲說其非始於唐人明甚但大山下不必更增雲字此類書之誤○注崇重至朝也○詩大雅鳧翯云福祿來崇傳崇重也公羊問荅云鄭風崇朝其雨傳崇終也從旦至食時爲終朝與信三十一

年傳不崇朝而徧雨乎天下者其訓詰何以不同曰何注崇重也陸氏音義崇重直龍反何注从爾雅釋詁崇重也郭注

增崇皆所以爲崇登何氏之意言崇朝則兩朝不崇乃一朝也與詩絕然不同俗儒於此傳欲強合毛傳造形其謬妄而

已說苑辨物云五岳能大布雲雨焉能大敷雲雨焉雲觸石而出膚寸而合不崇朝而雨天下施德博大然則五岳皆然

此以魯祭大山故斥大山言焉風俗通山澤云岱者長也萬物之始陰陽交代雲觸石而出膚寸而合不崇朝而雨天下其惟泰山乎故為五岳之長淮南汜論訓觸石而出膚寸而合不崇朝而雨天下者唯大山皆取此傳為說泰當依釋文本河海潤于千里注亦能通氣致雨潤澤及于千里韓詩作大

傳曰湯時大旱使人禱于山川是也郊望非一獨祭三者魯

郊非禮故獨祭其大者疏淮南子汜論訓赤地三年而不絕流澤及百里而潤草木者唯江河

也是以天子秩而祭之說苑辨物云四瀆能蕩滌垢濁能通百川云海能興雲雨千里為施甚大山川能出物能潤澤物

能生雲雨為恩多是其義也○注亦能至千里○亦者亦上泰山也○注韓詩至是也○桓五年注云君親之南郊以六

事謝過自責曰政不一與民失職與宮室榮與婦謁盛與苞直行與讒夫倡與彼疏云皆韓詩傳文禮記疏又引韓詩內

傳云天子奉玉升柴加於牲上蓋皆大雅雲漢詩語也○注郊望至大者○正以天子方望之事無所不通四方羣神日

月星辰五岳四瀆風伯雨師及餘山川三十六所故云非一魯本不宜郊徒以周公之故得以三正郊天本非禮之正故

方望亦第祭其大者三而已則河雖猶者何通可以已也注不在竟內潤澤所及故亦望而祭焉

已止

疏

穀梁傳曰猶者可以已之辭也通義云通之爲言猶道也道

言也道不可以已言可以已也漢書劉向傳曰臣誠見陰陽不

調不敢不通所聞通所聞即道所聞也夏侯勝傳上謂勝曰

先生通正言無懲前事顏師古注通謂陳道之也是通與道

同義通道一聲之轉道言之道轉爲通猶通達之通轉爲道

矣襄三十一左傳不如小決使道注道通也法言問道篇

云道也者通也按爾雅釋詁云猷已也猷猶二字通猶兼可

已二義釋言云猶可也是也猶有疑惑之意又有避回之意

故凡言猶皆兼可已二義也○注已止○一切經音義引廣

雅云已止也詩鄭風風雨云雞鳴不已箋已止也又秦風兼

葭云白露未已傳未已猶未止也已止疊韻爲訓也左氏此

經及文五年猶朝于廟宣八年猶何以書譏不郊而望祭也

注譏尊者不食而卑者獨食書者惡失禮也魯至是郊者僖

公賢君欲尊明其先祖之功德不就廢之譏者春秋不見事

不書皆從事舉可知也不吉言不從者明己意汲汲欲郊而

上不從爾所以見事鬼神當加精誠**疏**注譏尊至禮也○左

傳望郊之細也不郊

亦無望可也繁露郊祀云故春秋議郊未嘗譏君德不成于
郊也及不郊而祭山川失祭之敘逆於禮故必譏之以此觀
之不祭天者乃不可祭小神也又郊語云天者百神之大君
也事天不備雖百神猶無益也何以言其然也祭而地神者
春秋譏之孔子曰獲罪於天無所禱也是其法也○注魯至
至廢之○決閔以前不書郊也明禮廢已久僖公修之鄭氏
詩魯頌譜云自後政衰國事多廢十九世至僖公當周惠王
襄王時而遵伯禽之法養四種之馬於牧野尊賢祿士修泮
宮守禮教謀東略遂伐淮夷新作南門又修姜嫄之廟是其
尊明先祖之功德不就廢之事也知非閔以前郊皆卜吉故
不書者桓莊失德尤甚鬼神所不饗必無閔數十年無一卜
不從之事○注譏者至知也○正以僖公修復郊祭為復古
詩魯頌閔宮序所謂美僖公能復周公之宇而綴芥之惡必
貶則春秋之義也僖公有四卜不從譏其猶三望焉爾○注
明春秋但譏其四卜不從譏其猶三望焉爾○注不吉至精
誠○校勘記出而上不從爾云郭本上作卜此誤書洪範於
龜從筮從皆言從與逆對知從為吉逆為凶變吉言從即書
汝則從之義孔傳人心和順龜筮從之是謂大同於吉是也
穀梁傳乃者亡乎人之辭也注引凱曰其猶易稱闕其戶闕
其無人詩曰巷無居人譏僖公不共致天變洪範云龜筮共
違于人用靜吉用作凶故不郊以敬天變

秋七月

冬杞伯姬來求婦疏

杜云自爲其子成昏

其言來求婦何兄弟辭也疏

兄弟辭也義具上二十五年

其稱婦何有姑

之辭也

注書者無出道也

疏

說文女部婦服也禮記內則云婦事舅姑禮喪服不杖期章婦

爲舅姑皆以婦爲對舅姑之稱此止言姑者就杞伯姬立文

宣元年傳亦云其稱婦何有姑之辭也明宣母頃熊在也○

注書者無出道○繁露玉英云婦人無出竟之事經禮也母

爲子娶婦變禮也穀梁傳婦人既嫁不踰竟杞伯姬來求婦

狄圍衛

十有二月衛遷于帝丘

注

月者惡大國遷至小國城郭堅固人

眾彊遷徙畏人故惡之也

疏

杜云帝丘今東郡濮陽縣故帝

故帝顓頊之虛故曰帝丘

杜云帝丘今東郡濮陽縣故帝

濮陽是也大事表云今爲直隸大名府之開州按元和郡縣

志俱縣東渡河一百十五里至滑縣滑縣東北五里為清又
東北五十五里為楚丘又東北一百三十里至開州自始封
胡歌至此凡三百零五里黃河更在開州北十五里衛之再
遷皆在河之南矣漢書地理志東郡濮陽下云衛成公自楚
丘徙此故帝丘顧頤虛一統志濮陽故城本古帝丘大名府
開州西南二十里齊氏召南考證云按漢書地理志東郡濮
陽衛成公自楚丘徙此故帝丘顧頤虛又續漢郡國志注引
皇覽曰顧頤冢在城門外廣陽里中○注月者至之也○傷
元年注云遷例大國月重煩勞也○小國時此以其遷徙畏人
故月以惡之不但重煩勞也○傳元年夏六月邾遷于夷儀月
者彼注云霸者所
助城故與大國同

皇清經解續編卷千二百二十四終

子汝恭校字
丹徒陳慶年參校